

章
泉
稿





稿 泉 章

J
17·8
1
1.2026

撰 著 趙

王雲五主編

叢書集成初編

章 泉 稿

中華民國二十六年六月初版

撰 者 趙

蕃

發行人

王 雲 五
上海河南路

印刷所

商 務 印 書 館
上海河南路

發行所

商 務 印 書 館
上海及各埠

章泉稿目錄

卷一

五言古詩七十八首

七言古詩二十九首

卷二

五言律詩二百十六首

五言長律詩十三首

卷三

七言律詩一百首

卷四

五言絕句九首

六言絕句十二首

七言絕句二百十七首

卷五

記二首

附錄

晉書詩三百十首

宋史本傳

十二首

劉宰撰墓表

一首

拾遺

方是間居士少藁序

石屏詩集序

正言詩集卷十三首

正言詩集卷二十六首

卷二

小言古稿二十六首

正言古稿二十八首

卷一

章泉詩目錄

本館據聚珍版叢書本排印初編各書僅有此本

章泉稿卷一

宋 趙 蕃 撰

五言古詩

鬱孤臺

合水自汀庾。更時閱漢唐。鬱孤居聳特。望闕漫更長。層臺吾家復。壯勢江右望。舊遊那復省。老至增悲傷。里巷盛人物。登臨多發揚。士皆說孫李。必誦蘇與黃。定惟山水窟。自是仙佛鄉。扶輿淑氣鍾。寧謂接遐荒。歷訪愁重跡。再來期裏糧。懸知耳目接。故與聞聽詳。

發溧陽

久客間歸津。如鳥脫網羅。日夜數去程。未遑卹其他。殷勤謝故人。送我山之阿。舟轉岸亦移。青林隔坡陀。

弋陽道中

霜風不成霜。雨雲復爲雨。溪山誰舊遊。草樹得新趣。篷窗遞明暗。客枕隨仰俯。老子政哦詩。諸兒貪賦芋。

弋陽陸行

細雨濕籃輿。渺渺穿翠楚。林園知秋近。已作西風語。昨朝汗浹背。今晨冷侵膂。感慨悟乘除。人生幾寒暑。

八月十二日發潮

來猶念食餽。去已謝絺綌。浮生幾寒暑。大半是行役。長安冠蓋地。難著山林客。雖云住連月。歸夢無廢夕。扁舟落吾手。舊路漸可識。迎潮初蕩槳。晚日旋挂席。如魚離羅網。如馬脫羈繫。回首釣臺高。清風明可揖。枕傍有杜集。看其行役諸詩。有感復書。

除夕古體三十韻

疾風塵夜灑。古木撼古壁。漁火暗復張。隔江哭聲接。哀哀或到明。語細雜鳴咽。我舟若孤鳧。欲去意轉繫。終宵炯不眠。殘釭照孤泣。舟人吁且言。今夕乃除夕。官何自苦甚。兀此六尺簣。城中知舊多。市上燈火集。朱門酒盈樽。高會馬喧櫪。一飲滌千愁。共送殘景急。低頭更堪傷。正此坐鍼席。去年臘盡時。家寓金沙磧。身雖隔劍棧。母在猶戚戚。賦風吼西隅。百日走荆棘。一鳴嬰响羅。轉翅千刀偪。母憂兒不歸。兒歸母已歿。沒身無以報。天地終罔極。永懷荼苦心。況復對節物。今將萬里歸。機會不可失。丹旂倚江村。百里莫相卽。弱弟奉齋燈。孤友想在側。夜夜夢慈容。枕淚迸膈臆。死者遙相望。未得就真宅。故山春事動。展敬遍邱域。松欵挂紙灰。陰苔藉芳冽。那知藁殯寒。古佛伴蕭瑟。魂魄無不之。吳蜀雲萬疊。國步尙憂危。家轄更堪說。江湖多紅巾。鄉關斷消息。曼聲一長哀。山石爲我裂。

爲施衢州作超覽堂詩三首

浙西水平遠。浙東山偃蹇。使君是中人。曾次極收卷。崿舟固佳處。超覽更勝踐。智匠一何深。天藏一何淺。爲州古云樂。今蓋異昔時。看公振規模。於古端似之。乃知用有餘。如體運四肢。苟能盡此道。天下何難治。我評信安士。無若捧檄孫。政如賣卜嚴。勢屈蜀郡尊。堂成爲公記。賓主不在言。更有夢得句。真成壓璵璠。

宿玉觀次斯遠韻

觀去鉛
山五里

吾曹骯髒姿。共此高深趣。要休車馬罷。豈爲僊佛駐。紅藥照階除。翠竹森庭戶。今夕且幽期。明朝尙征屨。題蔣伯玉作白玉山創亭於廡舍之後。榜曰望雲。思其親也。因賦十韻。

蔣侯家荆溪。曾次飽空闕。一官寄楚尾。常病登眺窄。有酒無地把。況助詩句活。規模作危亭。更爲思親設。安車幾時來。歷覽吳興越。俸廩雖云薄。采菽水可啜。我實通家子。此意敢自別。願同竹馬兒。就彼上壽列。豈惟一門事。獷俗坐可革。長使是邦人。指亭記所茂。

同陳嚴倪三君飯聽琴于延真觀嚴置酒要余至其家倪陳與焉酒未竟而使客至余亟引去明日作此。

聽琴訪黃冠。置酒煩好事。邀我過其廬。二子相與至。開囊出書畫。黃李可人意。蕙梅妙疑神。舊識子揚子。水仙初破顏。縞袂亦啓齒。娑娑哦其間。二子俱徒倚。杯行略數計。共約到囂恥。忽聞鼓連村。絡繹催我起。有愧孟浩然。業飲故恤是。

和答斯遠因梅見屬三首

梅時寄我詩。梅月方能至。迢迢隔三湘。莽莽非一水。褰裳欲從之。浩蕩正如此。窮居君勿厭。窮途我何之。初心欲求免。卒志還累飢。滔滔果何向。命也將奚爲。君行過海門。唯復仍舊里。友朋不易得。相與況能爾。獨念吾家姪。無由從夫子。

十一月二十三夜。通夕不寐。爲賦梅詩。且懷斯遠。成父友弟。及五首而曉。書呈在伯。

年年賦梅詩。不賦如有闕。於梅亦何事。我好自渠結。昔人思故人。往往託風月。我今故人思。因梅念高節。我欲賦梅詩。詩故未易作。勁質攘冰霜。高情傲邱壑。襲如應時清。殿若羞世濁。陰伏陽乃升。此物方濯濯。我欲賦梅詩。佳處不自呈。老樹賞空曠。長條貴疎明。旣如幽人幽。又似貞女貞。可聞不可見。可見不可名。婆娑風月隅。窈窕溪山宅。林園故幽幽。鷗鷺空脉脉。雖云有逢迎。未易相主客。桃李自成蹊。歲寒知松柏。名園多攀折。野樹多零落。零落夫何恨。攀折適爲虐。山居老莓苔。竹徑無鎖鑰。何當歸去來。有弟同斟酌。

在伯沅陵俱和前詩復次韻五首

暇能頻相過。間或終歲闕。寧將數疏論。自有綢繆結。高山與流水。清風及朗月。花且事深期。人能廢明節。梅兮何等花。意似幽人作。芳不待三熏。勝自專一壑。屈原語醉醒。孺子歌清濁。醉如糟可餽。清亦足可濯。班左昔成書。幽祕或未呈。孟堅得師古。征南傳丘明。維昔西湖花。人孰知其貞。自非處士句。世亦安得名。愛山驢倒騎。愛竹種借宅。是能寓吾神。夫豈有斷脉。平生江南春。老去荊州客。生徒歎飄萍。死乃悲墓柏。二君思飄飄。獨我意落落。博乎猶賢己。諶兮不爲虐。是中有關鍵。未易輕啓鑰。至味匪鹽梅。舍古復奚酌。

對月

平生喜臨風。今夕愁對月。月好若愁看。寒苦侵肌切。豈無一短褐。自不生暖熱。想像水棲禽。凍羽難拍拍。

聞春

我居田野間。糴米如賃傭。晴天得灑暴。雨日還燎烘。晝役薪水事。故嘗多夜春。簸之有餘穀。再以餅罍充。時時付手碓。玉粒勝腐紅。三年食官倉。塵土填腹胸。歸乃值歲歉。半菽了不供。餬口於四方。指困其誰逢。啼號暫遠耳。夢寐深有攻。宦游竟何得。不如學爲農。水旱縱莫逃。赫衮年會豐。因聞村春聲。竟曉成唵喁。

訪梅仙宅

山林豈真遜。江海詎忘君。乘傳旣良已。變名誠有云。遺風故凜凜。異教莫紛紛。尙有十年臭。千年寧廢薰。蓬蒼暗成徑。樹林深擁門。人言舊宅是。亂絕古碑存。渺渺烟霞趣。蕭蕭風雨昏。何從覓遺蛻。但可賦招魂。

同見可過書院

遠山未釋雲。近山復垂雨。清風颯然下。吹落何處所。雖爲湘中客。湘西不屢來。晨舟冒雨過。晚櫂乘風迴。看山亦何有。要落漁樵叟。我雖甚愛之。可暫不可久。吾弟之於畫。消搖殆能事。好作渡湘圖。他時寄離思。次韻斯遠同過智門。茂草之中。獨剪春羅花。炯然。

山客城市役。故人雞黍情。懷我舊隱地。偕爲蕭寺行。草茂旣已合。花孤遂能明。看渠色爾正。寧使城爲傾。君詩如蘇州。真足繼善鳴。我乃媿野格。從教哂薄輕。

謝文顯老丈見過

茅簷冷如水。落葉堆不埽。林深日上遲。近午猶未冒。忽聞啁鴉聲。籃輿遠來造。兒言此何客。貌古玉色膏。心知定夫子。躡履仍著帽。我居甚荒僻。好客鮮能到。自非金石交。性不移濕燥。誰能忘崎嶇。於此修夙好。貧家雞黍窄。菜甲僅可芼。屬君又止酒。何以相慰勞。寒窗數日款。但有相教導。我姿雖不敏。敢不期勉蹈。滔滔流俗中。往往皆媚竈。看君閉戶志。有力甚於募。衣單食不足。恥以飢寒號。曰吾道當然。尙有古人操。我雖因事歸。未免斗食耗。而君辱與遊。何殊渭衝潦。窮年語未卒。迺以將歸告。半百顧非遙。驅羸行往報。呈嚴造道主簿

漫刺不待投。數面自成親。對言或無味。況乃詩筭新。佳處在阿堵。小異果此君。我行蕭灘上。所識楊與陳。百藥及壽玉。磊落俱可珍。今又見夫子。此邦何多人。一官二十年。須髮頗費耘。得非坐詩故。造物生怒噴。如我亦復然。此理又奚云。一見互興歎。响濡胡足仁。湖邊雨新足。荷背白勝銀。是中可以思。何當並車巾。過曾相士所居因題

見君每塵中。訪君每塵外。茅湯煮仙方。茗椀出新焙。溪亭不難作。軒樹茅爲蓋。面識欲何如。臨流烏柏背。因送客過六叔

荷衣綠破碎。稻實亂撐拄。秋悲空多風。雲重乃不雨。黃花已成昨。白酒真謾舉。小作笑談期。暫紆迎送苦。

雨過壽岡先生

煩濁不能勝。自知爲雨候。俄然落疎疎。頗恨殊不驟。款門執戟家。竹樹密以覆。書幃與書帙。晚靜乃移晝。人高固莫企。境淨不受垢。飄零歲時隔。解后頃刻叩。明當復告別。使我心如疚。何以壽先生。歲晚松柏茂。

徐審知置酒會者三人。以爲此春酒。以介眉壽。分韻作詩。蕃得介眉字二首。

紛紛春來華。渺渺動行邁。浮川向吳會。走陸轉江介。洒勤三醕爵。禮重百其拜。旣慰推遷悲。亦勞驅馳債。餓死因細腰。半額繇廣眉。是知風化速。有類形影移。時人走功名。我輩陳書詩。雖病勿是疚。雖貧勿自悲。旣過會居。因訪劉茂實秀才。是日明叔同出。恨仲威不至。

官身肯聽俗。人事直強親。開窗對修竹。筆墨得具陳。俗子有時來。揮去防怒噴。相看久不厭。陳子清且真。昨宵一雨餘。村村農事新。我亦思駕言。出門免衝塵。是邦亦有園。以鳥視其人。寧從窮巷居。鷄犬喧四鄰。劉君方授徒。曾君說人倫。室屋不尋丈。猗猗幾長身。未嫌酒杯薄。政愛茗椀醅。曾君索我詩。出語愧逡巡。煩君隸書題。筆意堪嗣秦。春遊有如此。省費能全神。但恨子胡子。招要不能頻。

送莫萬安

西江十一州。我所歷者半。紛紛墨綬徒。十有九頑懦。使者金閨彥。謂運使趙公直用意人物中。見我輒詢我。稱首不數公。我時官白下。與公未相識。何以知其然。雞犬相接迹。無何因流轉。卒歲下風趨。看其日所爲。自喜言不誣。人皆竭民脂。我獨求民瘼。上官雖喑鳴。民氣得和樂。體用夫何如。動靜惟以誠。夫豈今人歟。古人斯與并。朝廷重縣令。不減用儒盛。六察與郎官。遷除匪它徑。公行始發軔。九萬當自茲。侍從近臣間。況

復多已知。

送交代吳共叔師禮

往君在太學。有類如何蕃。仁義積諸身。諸生知所尊。今君爲主簿。又類習鑿齒。不但荊州士。四海名未已。誰云斗水渾。可養橫海鱣。澗壑雖阻深。松檜能參天。羣公頃爭薦。亦旣陞初秩。似君許人物。豈計一階級。聖朝開文館。政爲時育才。似君此風骨。咫尺斯蓬萊。而我獨何者。瓦礫偶居後。縱加刻畫工。未抹無鹽醜。古人重交契。今人顧不然。願君保金石。勿爲燥濕遷。飲君一卮酒。屬君千萬壽。更欲挽君缸。江頭已無柳。

送沈沅陵

世官古所譏。世祿今不廢。要之苟有人。二者非苦背。君祖我曾祖。紹聖同廷對。素風我莫嗣。清德君可輩。江湖渺聞名。荆蠻適親誨。忘年君固美。並行我終悔。許以相唱酬。何止聞警歎。君行竟先我。後會何時再。江花與江草。頗恨遠目礙。君於門戶責。有似松柏耐。而我詩書樂。政爾羞同隊。臨分曷告我。苦語幸勿愛。我亦安贈君。結蘭以爲佩。庶幾二祖風。歲久端如在。

與叔驥父子別後悵然懷之三首

君家若雪間。吳楚夢莫續。茲行得所未到處。須著目。平生胷中奇。於此不容縮。江山雖云生。詩句何妨熟。遠齋老於文。立語便造極。爲我記竹隱。深意遺筆墨。向來說山林。俗眼多見白。是公不吾呵。可謂計之得。客中得君來。念我忘偏仄。君行竟先我。未免爲此別。自憐性多忤。每負朋友責。如何君父子。相與獨無隙。

子肅示九日山谷間懷兄弟三詩。因懷子進子儀次韻。併呈子肅。子進客常未歸。子肅子儀在懷玉山中。故及之。子肅昆仲出示游懷玉山詩。蕃不同行。無緣屬和。謹成古詩。少見嗟嘆之意。聞儼上人方集山中故事。當併授之。

我爲懷玉人。不踏懷玉路。非因訪山懶。自畏觸嶮去。聞君兄弟往。勇決不少顧。念將攝衣從。欲行卻回慮。人云山峯高。白日蔽烟霧。況方迫窮冬。我褐猶未具。雖欣陟幽遐。政恐成疾痼。以茲不暇遊。心與飛雲遡。君還得新作。快讀喜莫喻。上言道傍過。次及巖下趣。恨無龍眠手。按此據毫素。昔君家與公。曾爲海山賦。至今斯文名。殆將壓彪固。淒涼禪月蹤。牢落高人住。得君爲著眼。草木應亦豫。好事儼上人。方集山中故。併當收君詩。在在神物護。

子進游懷玉山。度必有詩。未辱寄來。作詩索之。

秋日清且美。於游也固宜。迨今冬已仲。瑾戶惟其時。若人與公家。嗜好夙有師。幾譚巖壑間。塵落不自知。靡辭陟降難。顧病風露披。舊聞懷玉山。地置多側危。我爲是邦人。每恨著腳遲。聞公勇決往。身住心俱馳。是邦有茲山。蓋已千祀垂。曩者尹夫子。謂少稷名瞻攜家隱于斯。與山結勝因。詩成多及之。去年公二仲。探討曾至茲。今公又繼云。祕密真無遺。山名謂懷玉。自昔傳我疑。衆作乃圭璧。名實信不欺。書來報行程。快讀祇欠詩。春膏有餘否。公自造紙佳筆銳若錐。會當寫真行。寄我光茅茨。

有感

食肉固可鄙。枯腸合搜詩。旁觀聽平亭。蔬筍同阿師。涉春擬辦多。才盡不自支。賀也能苦吟。玠體憂素羸。看花輒有感。袖手增愁思。

枕上有感二首

霜月有餘照。風燈無停光。客夢一何短。鄉關一何長。拊身念艱虞。失足增傍徨。平明攬清鏡。鬢髮應成蒼。我欲學爲農。力耕不逢歲。我欲學爲士。儒冠多餓死。誓將棄犂鋤。亦復罷書史。長隨馬少游。浮湛自閭里。

感懷五首

新霜迫人寒。落葉無停枝。長夜不得旦。四壁崩莫維。牀根蟋蟀親。幽怨如陳辭。感我平生心。搔頭半成絲。木落無著葉。枯林多悲號。飢烏不得食。拾樵護遺巢。居人寧知悲。客子中心焦。故里一回首。山高水迢迢。多病成早衰。憂苦相與并。嗜書不自知。欲視忘其盲。平生金石交。夜窗短燈檠。幽焰吐復滅。花寒終不榮。短褐不禦寒。哀哉不言貧。遠客自多感。況此霜露晨。惋彼籬下菊。粲粲晚始新。餘榮何足恃。枯槁同荆榛。我生天地間。亦是天地民。造化苦見欺。輕薄隨時人。抱道鄙富貴。徇勢陵賤貧。聲名自青史。骨肉終黃塵。

連日昏霧感懷

窮山逼窮冬。苦霧作苦寒。舉頭不見日。況乃見長安。朝聽樵鼓微。午聽庭雀譖。占晴復畏雨。有抱那得寬。少日謬學詩。中年癡覓官。擇術不自審。終焉墮艱難。妄營三徑資。輕舍陋巷簞。胡不返故步。無爲學邯鄲。

前宵雨浪浪。昨夕風浩浩。相逢固歡喜。相去復懷抱。閒窗酒自引。敗筆詩試草。引酒願詩成。詩成醉而倒。

夜坐懷子肅子儀

寒燈耿書窗。稿葉鳴竹屋。懷人在咫尺。令我嘆幽獨。難兄如大蘇。令弟優小陸。未容待明光。端合校天祿。如何衫尚青。或乃袍更鵠。又疑致遠大。無事計淹速。不然彼造化。寧忍恣顛覆。如我辱交友。蒙顧等骨肉。三年且過半。良晤可不促。要將倡醜詩。盡用首尾錄。我曾泛荆溪。君亦訪懷玉。它年三人名。定載圖經續。

秋夜懷彥博審知

山深月吐遲。亭亭夜向殘。露氣挾與俱。侵窗迫人寒。團扇甫罷去。布衾已覺單。儻無寒暑期。何以彫我顏。人生七十稀。俯仰半已闌。隱顯兩無得。永懷那自安。不能躬灌園。而顧學彈冠。不思行所易。而獨務所難。王徐兩玉人。結髮棲儒冠。徐詩壯城壘。王筆長波瀾。出從舉子遊。隋珠供雀彈。得失何足道。如博資衆觀。念欲與子談。袞袞非一端。符移苦見催。行色不少寬。十年山林靜。一朝塵土干。足雖未出門。歸興已浩然。溪頭楓變赤。籬下菊且斑。客居豈無酒。遲子一跨鞍。

懷徐審知王彥博并徐彥章

爲見山花發。忽思湖柳深。當君散帙坐。著我倚樓吟。別句漫多紙。別觴終欠斟。光陰幾尺壁。書疏闕萬金。病駒匪戀秣。鴻雁歸有心。已後蘭亭集。猶能與竹林。

有懷二首

桑落黃而隕于飛雁翱翔。豈無同心人。滯彼天一方。劉氏賢父子。好古俱志強。向來文墨盟。許我由升堂。三孫子荆家。人物妙過江。當時載酒地。朝暮一玉光。幾年斷行迹。老柳知在亡。茗溪到荆溪。一葦可以杭。定應數相過。我顧不得雙。屬謀吳會行。秋瘴冬尙僵。迨今病小愈。又值天雨霜。飢寒苦見驅。此役殊未央。茗溪道所出。有宅非他揚。我猶識其門。寂寞羅可張。會成整衣冠。牀下拜老龐。退從阿戎談。塵禿飯不嘗。獨說孫之居。更下荆溪傍。慨茲如許別。肯憚一水長。孤篷不難遡。物色因鳴榔。儻聞葦間音。躡履斯迎將。刻曲笑徒反。竹隱聊與當。古人有成言。居必思擇鄉。我今落殊縣。絕交類嵇康。論文得重與。近作期倒囊。從遊不徒然。會合況莫常。匪但雞黍約。要資藥石良。鍼砭苟不勒。我何懼膏盲。痿盲於起視。頃刻未始忘。陰風忽動地。暮色自遠蒼。歸尋短燈檠。依舊平生窗。憶我官白下。梅蘂破臘前。維時初識君。共呼江南船。我作七字句。君答如倒弦。自茲三年遊。如篋復如塤。中間雖契闊。會合踵不旋。東閣坐明潔。意釣行靜便。快開誦長句。觀山酌幽泉。別來歲云暮。書札迥莫傳。客授比安否。曾氏稱好賢。況乃我畏友。於君寧間言。生涯富黃卷。代寶餘青氈。酒色湛若空。弟兄皆壁連。吾事豈不濟。寧當論歲年。日者大雨雪。我行政金淵。朝躋遍田野。夜夢惟江天。梅花且復開。雪屋鳴溜懸。思君不可見。使返徒悵悵。

秋懷十首

秋林如老髮。臞好忽已衰。委身造物中。寧得道厥時。木落有再榮。人衰無少期。可不思自勉。無聞戒在茲。

我生不敏。姿求友富。三益向來。或晨昏今。乃限南北。悠悠江山。念耿耿風雨。夕以我思。渠心渠能。不余憶。平生迂齋老。雅志在考槃。塵氛小敗意。顧輒求祠官。谷中萬松株。鬱鬱知歲寒。茯苓儻可掘。寧用菊爲餐。寒溫問虛名。杜老厭束書。半百無一行。又似計數疏。儻非奉子公。不妨問何如。因聲遇齋叟。簿領想多餘。茗溪在何許。水遠山幽幽。自聞遠齋亡。時序忽晚秋。尺書不能寄。有懷空淚流。何以諒我心。諸兄交白頭。吁嗟古詩人。達少窮則多。定逢造物噴。故此成折磨。懷哉興化令。曩然蓬一窠。融州計官滿。歸日定如何。侯芭老於元。後山稱嫡孫。師法苟自是。顧可名它門。欲觀尹方齋。請視周伯仁。我亦識此老。一尊思細論。吾友王彥博。結交二十年。早孤能自立。不待孟母遷。鄉閭固多士。如子蓋少焉。祖述端自誰。書有太史篇。吾友徐審知。識自弱冠初。中間幾離合。每見愧不如。迺翁春秋學。老死使者車。官職不足道。門戶政要渠。情親骨肉均。未可一一數。君家蓋其人。進也邊城戍。肅儀雖近家。白首猶管庫。好歌歸去來。莫賦感不遇。

雪中讀誠齋荆溪諸集成古詩二十韻奉寄并呈吳仲權

雲埋懷玉山。風斷羣玉府。霰聲欬成跳。雪陳翻已舞。槎牙粲瑤林。突兀森瓊戶。山差丈人行。鳥絕昆弟語。初看失南東。旋覺迷仰俯。恍疑羣仙下。直謂陰靈聚。回霏鬢蕭騷。細著衣縵縷。履穿不能曳。笱凍莫可拄。書窗偶朋會。詩冊隨意取。誠齋入諷詠。思隱記稱許。甘能膏齒頰。清且醒肺腑。詎須割蜂房。底用煎茗乳。非惟雪花同。又並梅花嫵。調孤匪相寒。法凜由思苦。想應當此時。有句肯易吐。平明入賀回。馬向章臺拊。過午下直遲。手映玉柄塵。同僚有同社。久已齊白甫。長別謾長懷。何因似郊愈。風引故難親。雲披禽先覩。

晨起雪作

苦寒不成眠。哀哉何時旦。擁衣聽雞鳴。有類巢木鶴。鳴明若彷彿。自起尋宿炭。殘爐星銷盡。束縵分鄰爨。頻年慣羈旅。未省今日歎。爲生乃至是。可復一笑粲。陰風忽悲吼。出戶雪欲亂。所恨梅未開。不得爭璀璨。但勤力田科。且下半租賜。當思碩鼠去。切勿厭狼戾。

晨起觀雪

荒雞號何多。鄰犬吠愈悍。初迷紙窗隙。旋失布衾暖。呼童戶先啓。走報雪且滿。爲言果差明。若爾真待伴。須叟起孩稚。次第及衰懶。索衣亂襦袴。取酒忘濯盥。試觀尙零落。矚目迷間斷。青黃倏衰白。陵谷直平坦。灞橋欠驢蹇。刻曲無掉短。有興不可乘。據詞詎能誕。

九月十一日雪二首

九月天雨雪。何曾見南方。我行蔣山來。解轡苦提坊。一飯誰爲設。百錢倒空囊。平生遠游意。到此增傍徨。勿厭在家貧。輕行更離鄉。

寒風動地至。有如窮冬時。居人不知感。客子深懷悲。故山邈何許。倏忽半載辭。行腳債未了。悠悠遂臻茲。芻薪自弗給。更問裘褐爲。

七言古詩

寄題林憲景思雪巢

雪堂正向雪中成。四壁紛紛灑雪霏。春秋記事有成法。匪同風月徒虛名。雪巢之雪竟何許。豈象主人清且苦。長鑱長鑿吾與汝。詩瘦誰令如杜甫。我嘗快讀誠齋賦。凜凜風前留不住。幾思從君借一窗。細讀妙句令心降。

題沈臨江邀涼亭

昔我過此暑正薄。是時此亭亦新作。竹移不問醉與迷。柯葉一敷無病籜。今茲再來毒熱新。客塵昏昏能病人。正思一坐此亭上。駭俗寧待徵龍鱗。世將大熱此酷吏。亦以清風喻君子。公涼何止一亭中。寒露清冰遍閭里。嗟我行色一何遲。不及亭成分韻詩。竹溪之逸故雖著。竹林之賢容可追。亭成之初。臨江與楊謹仲。彭子壽。仲衡。徐百藥。簡壽王。以不可使居無竹。各分韻作詩。

題俞氏萬卷樓

今人藏書務書多。昔人讀書病書少。藏書不讀竟何用。歲老財供蠹魚齧。俞君用意何其賢。藏書讀書相與兼。有樓不肯貯風月。名以萬卷非徒然。我今百念空如水。祇有耽書心未死。爲君作詩豈無意。一鴟時

送從茲始。

題周袁州尊德堂

視其所以知賢否。論世亦云當尙友。宜春郡圃作新堂。名不他求斯有取。堂堂房公暨李韓。文章事業兩不刊。俱曾屈縮此州綬。年祀雖遠猶班班。淳熙中興公出守。渺然獨繼三公後。政成乃復作新堂。亦使此州傳不朽。江山多勝何足稱。風月之遊不在民。未如考德接以道。視古所作書諸紳。龍舒史君適來止。吐詞爲記甚瑰瑋。徐州憶昔黃樓成。少公賦屹班揚壘。記終慷慨思蓋公。平津東閣方穹窿。分符與政兩如此。天下寒士何憂窮。我思作詩頌公政。萬民有口人其聽。矢爲此章載厥德。後之視今今視昔。

招審知步月

三年不對溪南月。況乃哦詩向君說。前山落雨此地雷。我自生涼人厭熱。林梢雖復亂蟬鳴。豈不大勝蒼蠅聲。市聲收盡浮橋寂。要子同來作細行。

舟行

夜來投宿定花浦。迄曉占風更前邁。波濤洶湧勢莫遏。顧視吾舟真若芥。是時霜威甚可怖。篙師戰縮不可耐。急溫濁酒澆肺肝。向者飢寒人安在。自憐不比婁師德。未可輕犯垂堂戒。徑搜苦語謝江神。恐懼偷生勿吾怪。

明叔同舟見別于永和

瞰雲忽作空中起。坐覺相顧移表裏。兒曹厭靜欣聚落。數問篙師行幾里。人生到處如燕鴻。南北故憐無定耳。有時相與說舊遊。此味猶如蠹書紙。秋風日夜催落木。我鬢半霜那足倚。況堪忽忽新悼亡。忍並高山對流水。陳侯於我四海人。氣合能同舊州里。向來風雨爛出門。今乃江程勞玉趾。

送吳敘浦

生年月日雖則同學。而聞道莫比蹤。學而聞道胡不庸。咎且不免寧論功。一官俯首蠻貊中。幾年積弊頻年凶。去茲補善扶疲癯。我所目見非聞風。孰持黃詔來自東。謂君遠天合君衝。天官誤聽州家謬。歷計月日曾未充。使家熟視州家惜。萬里君門誰爲通。學而聞道要有用。達豈吾泰窮何窮。君之授受遠有宗。湘水浩浩湘山雄。龍門當日謂不遇。尹楊亦到明光宮。

送徐彥章并屬光庭

儒冠往往令人羞。夫君經明行益修。豈唯吾州罕此流。他州亦復難多求。邇來默默如有憂。君其莫遣胸次留。是物能爲人贅疣。不但蕭然成白頭。閩山重行歲且逾。梅花落盡臘酒稠。茅檐夜氣侵征裘。一杯頗解思人不。君家大阮真吾儔。許君能從竹林游。福清政成早回輈。飽食相期趁麥秋。

撫州城外作

城中一雨偉飄灑。城外此雨乃霏霧。分龍古語信不妄。不爾惠施何偏方。我行驅車一何忙。早起猶乘昨夜涼。舊聞既雨晴亦佳。豈但蕙葉蒙寵光。早禾已秀半且實。晚禾已作早禾長。不惟稻隴有佳色。菜畦苗

葉相與昌園丁採攝入城市。不用滌濯臨滄浪。我雖無田豈無圃。歸計不決空傍徨。飢憐買菜糴占米。烟火熏人官道傍。

次韻斯遠聞蕃移官岳州見寄

西南之役凡幾州。行行不已茲登樓。幾懷佳人恨日暮。誰謂澄江驅客愁。巴陵洞庭故勝絕。李白杜甫曾漂流。亦思著句道所以。語不驚人空白頭。

書紫微集後

詩家初祖杜少陵。涪翁再續江西燈。陳潘徐洪不可作。閻奧晚許東萊登。遺書散落亦已久。是編頗得十八九。景公千駟何足云。伯夷垂名端不朽。

題王叔毅畫有序

乾道八歲壬辰秋旱。冬十二月八日。纔微有雪意。晚復晴。予時將自玉山還章泉山居。秣馬且行。湍石俞季揚以此畫二紙示予。云臨川王叔毅所作也。予卽折簡問名于晉陵孫子進。子進以欲雪弄晴名之。季揚令予作詩。予且迫歸。有所不暇。季揚強之以俱。道間無事。欲爲下語。而耳目所接。率如畫者。自惟詩材素孱。而又壓以此境。若勉有所作。亦何能工。遂書八句。聊記其實。不復加鑿括也。

天公知君有此畫。要遣題詩與當價。故令欲雪還弄晴。盡日神機不容暇。毫端自出右丞維。孫郎一見欣

得之寫真命意兩俱盛。我今落筆胡能奇。

反舌

臥聞百舌鳴春風。起睇簷間惟見一。自驚夫豈鬼神歟。久立恍然神未釋。人能化鳥舊所傳。斷以不疑因杜鵑。爾今變化自何物。儻匪敗家由敗國。

梅花二首

折來纔見開三四。但覺槎牙亂經筍。遲明已復吐六七。頗怪鮮明侵竹隔。多花璀璨固可人。疎花的皜意逾真。固知此物无不可。風月婆娑仍著我。

山礬水僊兄弟數。姚魏稱君真僭取。三國人物誰可許。大兒僅得孔文舉。我家透屋碧玉椽。下有獨樹爭嬋娟。平安无使信莫傳。疎枝冷葉空淒然。

梅花用東坡惠州韻呈子進昆仲

春風未著江南村。梅花有方先反魂。爛斑初疑霜集曉。爛漫忽若月挂昏。孤山寺下林逋宅。松風亭前東坡園。相應照水自愁絕。誰復好事來相溫。我今居閒百無念。夜半始寢起及嗽。欲拈墮藥每攀樹。要看落影長開門。東南文士推諸孫。妙處不在工語言。要于險韻出奇峭。敢云小技未爲尊。

歸計未成。不勝家山之思。用元明山谷唱酬韻寄成父。

近來多病不飲酒。少日興酣那計觴。當面背面從譽毀。覆手翻手分炎涼。老驥伏櫪志千里。壯士悲歌泣

數行故里悠悠無遠夢。寒猿歷歷斷人腸。

周文顯之子來過。因斯遠過余於智門。相與坐於遺愛亭上。書所見附寄文顯。

仲冬六日如春旦。偶向溪亭適吾倦。山耶雲耶遠莫知。但見青蒼屬仍斷。其餘雜樹亦稍稍。復有深溪臨斷岸。謂言雨後當有梅。倚薄敷叢忽陵亂。一杯共摩石田甘。走筆題詩待君竄。因之併寄伯仁君。儻肯來游驅款段。

再用韻呈斯遠

與其紛紛評月旦。孰知黃妳寄疲倦。夫君忽來語不休。政使風吹吹不斷。我歸政泊水之南。君住適當溪北岸。有時浩歌送激烈。卻恨中流鵝鴨亂。看君鶴舉且鴻飛。而我狐奔仍鼠竄。終焉豈有尺布縫。其價可直錦繡段。

懷趙蘄州文鼎

吾州憶當南渡初。居有曾呂守則徐。本閒林下亦此渠。往往詩流非酒徒。邇來流風頗寂寞。南池二公也不惡。李今作州大如斗。公更蘄春方待守。幾宵春雨落連明。南池水滿春草生。不知春興凡幾首。寄我因之報安否。

彥博許見過不至

高軒數許過三徑。日云暮矣殊未來。湯熨病人狂欲走。戲作冷語成優俳。歛思官池頗空閒。況有水花明

晚色人間虺虺方蚊雷植杖徘徊須月出

大雪

長年南雪不到地。瘴癘慘毒愁北人。今年初見臘前白。寵光併與梅華新。客居破屋愁欲裂。病目不嫌熏濕薪。鶉衣百結不蔽膝。戀戀誰憐范叔貧。

二十七日復雪用東坡聚星堂雪韻禁物體作詩約諸友同賦

溫風忽來振柯葉。翻覆手間重變雪。天公作事豈容料。坐使南人驚曠絕。朝來送客到江滸。凍骨凜凜吹欲折。歸來席戶已迷漫。芋火撥殘灰沒滅。眼中所歷要摹寫。拙筆難書非被掣。叩門好事忽有餉。一盞徑能生臉頰。昌黎詠雪故雄健。取喻未免收瑣屑。爭如歐蘇兩仙伯。一白解遮羣醜。譬我今困客乃自困。韓非說難竟死說。戲詩還與作官同。大錯知合幾州鐵。

十一月晦日欲雪

九月不雨至於臘。北風忽來吹作雪。竹頭搶地何肯低。梅面著沙終自潔。書生好奇甘忍凍。屢起推窗探雲物。雖然亦有過計憂。憂怕水仙重蛻骨。

雪中過在伯

北風一夜吹成雪。城東城西人斷絕。冒寒有客晨獨起。不畏風吹骨欲折。芻薪價高瓶粟竭。妻子亦作異縣隔。微官本爲飢寒計。到底卻如生事拙。奈何曾不此爲憂。政爾發聲歌應節。豈惟入地絕遺蝗。便想連

天搖宿麥寒廳逼仄礙眼界。古岸寬平可車轍。寧能不見戴安道。我無逸興須渠發。

臥聞

臥聞急雨吹風顛。吾家泊船若箇邊。此懷自足滋白髮。況復哦詩渾廢眠。欲呼杯酒慰枵腹。童奴告我尊空然。

夜坐

竹風疎疎雨打蓬。松風湯湯水赴洪。道人聞塵埽未空。不如杜老前月叢。山齋夜坐僧趺同。團蒲細軟方鑪烘。燈花開落從恩恩。我今無喜斯無凶。

連日風雨有懷沈仲良歐陽全真

滿城風雨重陽近。此句豈惟時節詠。古今凡歷幾詩人。獨覺柯山有餘韻。臨川之謝東萊呂。往往懷潘用。茲語我嘗評。此七字句。政似江邊烏白樹。去年此節雖淒涼。和詩有沈與歐陽。今年愁絕不可道。三人各在天一方。

章泉稿卷二

五言律詩

立春前三日雪明日猶未已詩簡子進彥博昆仲示成父四首

稍稍因風集。蕭蕭與霰俱。山明一笑粲。竹重折腰趨。白戰慚非敵。清譚孰可娛。無庸杖方竹。隨懶坐團蒲。應候猶當臘。爭先未得春。人貧只如舊。天意欲呈新。盡洗江南瘴。全消渭北塵。能逢中興日。甘作未歸民。衾冷妨高臥。窗明誤攬衣。問梅穿破履。借米啓柴扉。曉日猶藏密。和風盍解圍。冬春俱正令。寧復病年飢。待伴先春至。差明積夜初。空庭戒無埽。凍筆屢成噓。溪遠應回棹。窗明好讀書。惠連臨此際。題賦復何如。

雪

立春纔十日。春事已交加。政苦詩材窘。欣逢眼界賒。漫天皆柳絮。何地是梅花。無復青帘覓。敲門問酒家。

正月十三日過鄧師契邂逅伯山在焉師契置酒因成五言四韻是日閱南軒諸公帖

竹已連梢種。梅應帶蒂栽。因留看書帖。更辱倒尊罍。勝士亦俱集。好懷端爲開。春風不拘束。兩鬢自摧頹。

雪

竹屋偏宜雪。江亭更受風。一杯時自酌。五字不須工。柳色全然未。梅花半墮空。東江雖可住。吾志在江東。

二月十四日發潮後作

歸路今無幾。春風半已經。潮回知岸遠。雪積見山青。問欲從漁父。明當訪客星。未須傷偃仄。那取怨飄零。

文顯兄弟見過

東郭有二士。閉門甘一簞。貧非原憲病。詩豈孟郊寒。俗子往不顧。斯人交亦難。若爲能步履。相與轉林端。

審知見過

吾廬非不愛。計拙未能還。坐我雲山表。望君鄰里間。暫疏成鬱抱。才見卽開顏。安得同三徑。長年只閉關。

施進之見過二首

君來能破悶。雨至更蠲愁。舊識廬山道。長懷鸚鵡洲。相從今十載。一飽未成謀。俱作江西去。君車我具舟。

社日風雨

坎坎連村鼓。喑喑隔墅雞。雲低天欲夜。雨合路平谿。酒爲治鬱飲。詩因排悶題。休嗟妨杖屨。聊取便鉏犁。

晚坐偶題

簷外歸雲繞。簷前落照微。牛羊知旣暮。鳥雀自相依。積雨雖推陣。餘寒未解圍。何妨向僧火。亦復蓋征衣。

過欽止

一飯肯留我。羣書容恣繙。雨收還滅滅。雲破復昏昏。山水琴中趣。桑麻野外論。淡交真有味。炎附卒成燔。

再過斯遠

寓舍書懷

雨暗湖堤沒。藤交樹色深。兩來因問疾。每至亦幽尋。勿謂年方壯。須知老故侵。暄寒多變節。調護盡關心。
還鄉一過年。借屋兩成遷。舊閣愛晚碧。今居因地偏。居然闕生理。復爾辦行纏。四十今如此。修名後若傳。
贈別歐陽全真三首

我尚長沙客。君歸自五溪。放舟知有日。枉駕忽衝泥。少慰三年閼。重嗟千里睽。交情故如耐。薄飯不嫌齷。
幾日暄寒候。渾如到嶺南。岑岑無藥療。憤憤祇書耽。雨止隅仍漏。鳶飛潦政涵。君來得披豁。萬里散晴嵐。
往者贛州牧。與君鄉里儒。身俱上黃閣。官或伏青蒲。薦口寧虛啓。才名不可誣。下僚如處士。鯁論亦時須。
書懷

倦櫛頭如葆。深居心若齋。作詩須識病。遇事莫裝懷。富貴乃身賊。飢寒爲道階。長貧君勿怨。天豈困吾儕。
去冬過新喻。得前四句。因見全真行。足以成篇。

雨裏過新喻。風前憶舊游。淒涼孤鶴化。寂寞兩羊裘。屢雪交游涕。無驚鬢髮秋。君歸應有感。索謝各悠悠。
溪楓

溪楓一蕭瑟。溪柳四繽紛。年事有如此。吾生何足云。登高欠能賦。有感在斯文。欲向洲前問。哀音不可聞。

詠雁

胡爲去關塞。何事落江湖。歲月常遠燕。飛鳴每候奴。菰蒲雖足樂。增繳絕須虞。矯矯其高舉。紛紛莫下俱。

對月簡全真

對月重茲夕。吟風尙昔懷。思君兼野水。恨我局空階。意嚮元相似。言談自莫諧。忽思成簡寄。還覺費安排。

鄔子對月

庭戶容才咫。江湖見每賒。秋毫渾可數。纖翳不能遮。頗念從此去。還愁與盡嗟。不如沽酒飲。飲醉臥蘆花。

過易簡彥從

雨後筍怒長。春雨陰黯成。關門有餘暇。散帙不妨清。從仕亦何好。隱居無用名。悠然會心處。便欲寄吾生。

教授知縣以釋奠宿于學宮。輒爾奉簡。

秋色肅已甚。齋居清可知。無由一夜話。謾與五言詩。祀有同王者。居無陋九夷。校官俱長吏。不比判司卑。

叔文見過。且攜趙祖文歸來。圖來爲賦四十字。

蟬噪天邊柳。鳩鳴雨外桑。江東千里遠。湖外比年荒。畫展歸來賦。辭吟老至將。終焉莫陶寫。醉帽晚風長。

與成父夜坐

抱病俱不飲。清言醒肺肝。山空知室迥。念靜失憂端。縱筆詩還作。無弦琴廢彈。菴居已清絕。況乃夜微闌。

琛卿坐上作

負郭有佳處。昔時來未曾。梅高居竹表。石瘦倚蘭層。置酒能要我。哦詩更得明。醉揮君勿怪。明日弔溪藤。

伯玉夜過。因談西湖石筍峯舊遊。用初三日韻。

相識欣佳士。常談厭老生。湖山遊息處。風月笑言情。豈但沈痾愈。能令老眼明。無嫌數呼喚。政爾一般兄。
張伯永簡來云。雪欲作而酒適熟。尉又過之。要余同集。

久旱疑爲瘴。晚風生許寒。梅花逾孤厲。人意絕荒殘。漉酒能呼我。知公故解歡。平明如雪滿。快閣上危欄。
次韻王進之欲雪兼屬林令

雨集疑爲霰。雲陰驟復開。共嗟三白晚。還是一年來。令已憂民切。君當著語催。不應渾似我。形槁亦心灰。
欲再過子進昆仲。舟人給以迷路。既遠不能復也。悵然懷之。

數畝潮邊宅。千篇海內詩。機心謝鷗鳥。樂事付埧篋。艇子思重過。流行竟莫知。吾儕俱老矣。悵望復來期。
過從禮

崖壁怒開張。盆山草木蒼。高深類盤古。瑣細亦禪房。雨潤畫粘壁。風微書散牀。小留談不惡。而我病成妨。
過西峯。主人適出。回訪劉伯山。亦不值。悵然有作。

佛寺興已盡。隱廬來不賒。隲基瀕野水。瘦竹隱疎花。試挽添丁問。云過叔度家。清談固難覓。渴肺頗思茶。
夜過李商叟

每見必怱怱。談詩口不空。林間驚落月。坐上覺生風。老大君無敵。飄零我漫窮。問年纔半百。歸及未成翁。
獨坐晚題

斜日欲向夕。孤懷誰與開。慵能繕故紙。閒且撥寒灰。海內長爲客。江南欲放梅。竟將身自繫。寧有水西回。

次韻歐陽全真過玉山見寄

祇道歐陽子。行飛入道山。報來猶佐幕。書至得開顏。過我不相見。底忙成往還。未知重回日。端復幾年間。

豐城送成父弟還玉山三首

溪上同舟送。江頭獨步歸。秋風方落木。客路要添衣。故舊詢安否。形容話瘠肥。吾行猶許遠。爾去復誰依。酒薄僅飲濕。歌長欲淚垂。人皆有兄弟。我獨困乖離。苦乏田園計。初非干謁資。途窮輿計拙。千載少陵詩。調護山中竹。斧斤毋使侵。當門要移種。繞塹合分陰。詩去慙如錦。書來定抵金。上言說兒女。其次及山林。

娛山亭

在太平州判官廡舍。爲大舅氏作。

嗜好雖同轍。賢愚本異歧。箴瓢樂吾道。饒馬昧真癡。吾舅端何以。名亭不在茲。登臨如有得。勿用語羣兒。訪白鶴山祥雲觀。

白鶴空鳴鶴。祥雲祇亂雲。流傳因長老。紀載未前聞。步履欣逢勝。題詩媿不文。林園猶午雨。墟落遽斜曛。

曉浴昭真觀逢方元直誦僕舊詩

泉落千巖雨。松鳴萬壑風。徘徊豈人世。清絕況秋中。就浴能除垢。催行覺未窮。逢人舉舊句。已似宿生同。

題胡達孝林霏新堂

春樹綠相交。新林翠裏梢。童能奉巾盥。客有問推敲。香事身依佛。炊烟地遠庖。渾疑宿雨在。不見曉禽譙。

澗布嶺

登山自不惡飛雪況相仍。照映慙非壁。攀援笑引繩。向來聞砭砭。今日上層層。可但長安道。騎驢覓句能。
散菴卽事

屋冷頻添火。窗深遠炷香。荆榛白墮境。杖履黑甜鄉。晚日誰云短。閒身得整長。畏人成免俗。治藥屢傳方。
東庵上方

地瘠不宜竹。山寒多種松。路窮千折險。菴在最高峯。石溜通泉乳。晴簷喧蜜蜂。客來僧不語。日暮自鳴鐘。
雨入丈七坳

信是長安遠。休疑蜀道難。千崖懸盡斗。萬石列皆攢。舉足無非仄。捫心每爲寒。不堪天更雨。政欲助吾官。
天雨助官政。坡猶杭州雨中督役詩也。

投宿清福寺

落日迷墟落。林霏隔樹林。入門疑寺近。出谷聽鐘深。墟戶覓安寢。隔籬謀濁斟。不眠還耿耿。百慮攪予心。
題龍洲亭

亭自君家築。洲從何代名。諸公多好句。老子敢爭衡。膽欲危欄倚。少須春草生。毋庸爲鱸去。聊欲赴鷗盟。
過上村庵二首

朵朵豔紅蕖。叢叢映碧蘆。秋風見池沼。幽思發江湖。愛竹寧詢主。行山當得圖。弟同仍子姪。我友亦相俱。
秀色留金鳳。餘芳在木犀。日明能皜皜。風急似淒淒。野地猶飛蝶。深林亦啼雞。居閑常卻埽。安步輟扶藜。

懷甘叔異曲江磯庵

夢寐曲江磯。磯頭隱墅扉。朝笳驚鷺起。莫履看漁歸。志士立蘭芷。高人甘蕨薇。恨予非所事。樂爾謝塵鞿。

書李氏園亭

坐久思行步。因而上野亭。日兼梅雨落。山接稻田青。何術銷終訟。連朝役瘦形。早知還走俗。不用學通經。

章塢菴

路盡菴才出。雲深山更藏。陂池新得水。松檜舊成行。午供隨齋鉢。留題陟上方。林鳩方喚雨。歸路恐相妨。

寄題安福士人家賞靜軒聽雨二首

心遠淵明趣。室虛莊叟書。宅邊種柳樹。濠上樂鯈魚。往者不復作。斯人今則疎。誰爲賞靜者。吾欲並門居。有聽輒有感。所關非所聞。小軒渠對雨。地遠我看雲。大被青霜曉。短檠寒夜分。朝昏解同趣。南北謝離羣。同俞公擇孝顯。王彥擴。譙子遊。白蓮菴。飯於東菴而歸。

早出城

幽禽鳴屋角。喚我起尋春。山徑八九里。角巾三四人。側行松偃蹇。倦憩石嶙峋。誰道春猶早。山櫻幾樹新。夜雨細無聲。朝光快昨晴。空庭芳若合。遠樹鶉鳩鳴。無復知春處。閒來看水生。不唯身暫適。更覺眼增明。

明日復出城

夜雨更連明。藍輿偶出城。田疇篋笠事。江海鷺鷗盟。少小規微祿。侵尋愧老生。芭蘭春渚滿。桃李綠陰成。

遊齊山

借馬訪齊山。犇行不待銜。舊來聞若渴。今日嗜如饑。故喜地殊勝。卻嫌僧近凡。誰能一除洗。更出萬嵌巖。

蕃侍舅翁衡州史君游吉陽山舅翁舉往年與南澗韓公唱酬長短句敬賦三首

慘澹松圍障。蜿蜒石隱龍。背城無數里。獻狀有千峯。此地雖爲寓。茲山特未逢。因公九日集。臨眺得從容。聞道常年會。尙書領客來。公能哦舊句。我恨闕初陪。鬱鬱雲峯雨。蒼蒼石磴苔。人亡與節逝。已矣兩裴回。出郭雨遽止。下山雲復收。人疑有神護。神若爲人謀。敗壁淒涼句。鄰家斷續謳。明年回鴈上。應憶此山頭。

過黃狗步

古步經黃狗。平沙隱白鷗。順流翻逆浪。欲去若苛留。歷歷川原路。蕭蕭風雨秋。頽然怕看鏡。白盡幾分頭。

官池卽事

偃薄雖茲驛。相羊賴此亭。鳥飛微破殼。魚動暗衝萍。豈但憂懷愜。還能倦眼醒。獨餘春草夢。才盡不能靈。

再題

旣悟寒當雨。仍知霧乃晴。病軀聊自適。閒望亦增明。絮落還將化。荷新且解擎。懷哉老將至。沒世曷爲名。

山花有所謂縹漆者蓋綠絲藉此以取頭耳

樹樹山礬落。枝枝繞蠶開。論香寧敢輩。取用實能皆。白屋珍姚魏。朱門賤草萊。勿嫌卑薄域。解產棟梁材。

觀王文之所藏荆公帖

余行江左路。曾涉蔣山椒。野逸思乘蹇。儀型想冠貂。帖窺藏五世。詩續詠前朝。水日欣無歇。巾欵膝屢搖。
周袁州惠建茶黑篤耨以四十字謝之

書齋憐寂寞。書札慰荒涼。勸把春風梳。仍薰知見香。未憂欺短褐。寧慮厄枯腸。塵思如能雪。詩情或可昌。
題畢叔文所藏趙祖文畫

數月湖中路。未看湖上山。塵埃苦相敗。疾病亦多關。見此微茫畫。如行慘澹間。小舟帆正飽。何日載余還。
書後湖集

我懷蘇養直。不作漢三公。隱墅人安在。春溪草自豐。遺文尙亡恙。斯道未應窮。會與吾尊友。青燈話此翁。
道傍菊一首奉呈安福丞公彭子壽

彼美東籬菊。胡爲官道傍。蓬生雖翳翳。秉色故煌煌。風露與湔洗。牛羊遠踐傷。未嗟愆節物。終必在醫囊。
溧陽道中懷秉文

不見水南梅。春風已四回。縱傳詩滿紙。何似酒同杯。已與修塗背。還尋舊路來。計期猶促迫。到處勿徘徊。
過餘干懷介菴呈其壻方景嚴

重過餘干縣。長懷謫仙人。猶如見顏色。不復聽紛紛。栗里柳未倒。桐鄉祠尙新。遺文李漢在。屬付斯無泯。
新月甚佳。方思明叔乃忽見過。作此詩。

出戶江山好。入門風月新。荒涼如宅舍。窘束是官身。念子豈爲遠。能來端可人。笑談殊未了。催去阻重闈。

宿籠鬚山

俯仰猶前日。侵尋已半春。行因累符檄。來爲閱松筠。著腳盡可隱。是身寧屬人。雲泉混麋鹿。冠劍上麒麟。密竹復疏竹。老松仍穉松。擔肩元近俗。吟趣得深供。要宿招提境。猶賒日暮鐘。殷勤問鄰寺。指點說前峯。

六月一日始熱二首

雨後疑無暑。晴來乃若焚。汗渠工聚納。閤室賸飛蚊。憤憤妨書看。岑岑似酒醺。不知三伏久。何以度朝曛。落日看離腳。晚風占樹頭。庭荒雖若咫。步繞亦頻周。我老自投網。民愚還坐囚。相哀莫相釋。點點更悠悠。同兒曹步月寺門作

對月

溪風亂林影。林月漾溪光。宿鳥無安止。飛螢爲斂芒。兒曹從杖履。老子廢杯觴。誰謂時方暑。端疑候已涼。風清勝夏暑。月薄借秋光。坐覺還神觀。心期隔帝鄉。滿階蛩送感。何許笛飛涼。盤礴俄成久。軒然睡倚牆。對月懷簽判丈兼簡文顯

季月風當凜。南方候實偏。長林未搖落。頻夕對嬋娟。恨我遙成隔。知公夜不眠。連牆有周子。置論每超然。十四夜月

既夕風猶進。凌空月故遲。明宵縱當滿。今夕可乖期。少壯欣逢節。年侵意自悲。平生一杯酒。卽事五言詩。鏡破何年合。珠沈幾日還。空明歛溪石。行列婺州山。雁泊宵仍警。蟲哀夜不閑。傳呼語子舟。移檝近前灣。

十五夜月

老至自多感。月圓仍此秋。又成愁裏見。都白幾分頭。酒罄妨人醉。詩窮不易搜。徑歸掩關臥。還雜候蟲幽。

十六夜月

月早晝氛在。月遲夜氣澄。秋毫細可數。烏鵲棲亦興。青山葬李白。蘇門隱孫登。吾老無逸氣。頽然照鬢鬢。

江月

江月照將夕。江風吹欲霜。殘書看莫盡。病骨凜雖當。俯仰年齡邁。飄零道路長。豐年易圖飽。何乃又殊方。

秋日書懷

冉冉年將老。冥冥雨送秋。衡門想蕪沒。蕭寺苦淹留。工部詩陶寫。平南酒拍浮。九原如可作。千載願同遊。

留元衡須月上。因抄賈元放舊詞。併懷季承。

北客飄零恨。南遊邂逅情。幾年悲賦鵬。萬里想騎鯨。月已徐徐上。雲能故故生。吾曹重離合。可問欲三更。

雨後對月懷斯遠

旱際雖逢月。方憂未覺佳。雨餘當委照。此趣孰能加。要覺湖邊宅。遙知海上槎。絕嗟同味少。莫遣寸心遐。

夜懷成父弟

晚蟬猶噪樹。新月遂當天。閔雨心雖切。題詩思亦牽。故應聽撼撼。殊愈對娟娟。憶我章泉弟。松窗竹屋邊。

對月懷秉文

有地皆風月。溪山更復奇。山陰應接際。赤壁誦歌時。恨子不同載。寫懷聊作詩。平生三五夕。咫尺又乖期。

雨夜懷明叔併憶成父

放竹近軒窗。地方中對牀。非貪起居適。樂是語言長。已解蕭騷味。仍憂擺撼傷。去君纔數驛。憶弟更他鄉。

懷公擇且問訊成父

山雨戴溪雲。茅檐晝不分。林花應埽地。我友況離羣。數口饑寒累。三生翰墨勤。因聲問吾弟。幾日定行云。

懷成父

曉枕占乾鵲。昏簷數濕螢。竹風愁獨立。山雨要同聽。懶更翻黃卷。還成倒濁瓶。猶疑到或晚。戒勿掩柴扃。

月夜懷成父

尙缺佳幾許。旣圓明若何。一年增我老。千里念渠多。柳亂誰屢舞。蟲喧空作歌。要爲終夕看。四體奈煩癩。

夜月

曉枕厭蠅聲。昏蟬復亂鳴。耳根喧自合。心地寂常生。習氣存詩句。平生愛月明。鍾情在我輩。安得到無情。

中夜風雨驟作。悵然有懷。簡全真沅陵并寄成父弟。

酒盡雲間月。詩成雨至風。支離如病鶴。吟咏雜寒蟲。撼撼朝梧葉。蕭蕭瘦竹風。飄零偶天末。憔悴祇江東。

驟雨

乍覺塵成斂。旋聞土亦香。溝渠勇飛濺。竹樹返青蒼。旣使雷先戒。還資風助狂。未充田父望。聊益病夫涼。

分界鋪愛直驛。張安國因杉製名。而驛之前有老梅一株。不知安國胡爲舍彼而取此也。

杉自誰人種。梅從何代栽。腹空雷有擊。根古土無培。要是百年物。曾經幾客來。直哉雖見錄。清矣可遺材。

過潼川之飛鳥縣。見餘干丞相題驛舍詩。有感次韻。

道學元無僞。標名徒爾勞。孤忠天不管。一死世尤高。未洗邊庭血。先焚董腹膏。亂離元有自。拊壁爲三號。

舟行賦山中梅花

自與松筠並。寧容草棘欺。盈盈皆正色。脈脈匪邪思。照水初開處。臨風欲墜時。深幽殊可念。醇酒有新詩。

鉛山道中。懷故興化令賈元放。故鬱林教授賈季承。

駛雨更涼風。長松十里中。欲吟吟不盡。將語語誰同。賦鵬人安在。騶羸我欲窮。枕流還汨汨。幽夢恐難通。

常山道中二首

發軔茅檐雨。營炊野店烟。春晴不難解。客恨自多牽。麥浪搖成湧。梅飛去若僊。畫中端有句。詩裏亦安禪。

晨征陰霧合。晚泊霽光新。聞鼓初非社。逢耕政及春。嗟余寄徑客。羨爾受廛人。有債成詩瘦。無錢罷飲醇。

夜宿沙渦

櫓折故難進。牽殊深足虞。百艱甘薄命。共濟賴同途。聚落強名地。并吞總是湖。遙遙聞吠犬。更問酒家酤。

早過桐江

霧盡山容出。風微水面平。檝書重此役。詩卷足平生。船小炊無竈。灘長去有程。嘗評峽江似。江水亦桐名。

發永豐。值雨投宿金仙寺。明日還舊居。雪大作。

雨暗投野寺。雪明還舊居。林園渾異昨。門逕亦非初。酒事難忘汝。詩材不負余。祇言冬太暖。暖極竟何如。

秋雨感懷

紅葉連峯雨。黃花獨徑秋。一杯聊復酒。萬斛不堪愁。短髮驚時晚。修名怯歲逾。山中隱充豹。江上失輕鷗。艤舟楊口。叩居人以何時縛屋于此。何時復去。云我乃雁泊人戶。冬來春乃去。

戶戶魚蠻子。年年雁泊人。生資持網罟。遷徙逐冬春。岸俗從渠變。鄉鄰自我親。殊勝倦游者。渺渺愧風塵。

秋懷十首

兩月巴陵郡。搜詩朝暮間。空能飲江水。恨不上君山。昔者聞何至。今焉興盡還。才名或遭罵。坎軻分低顏。大暑懼死暍。祁寒愁仆僵。歲時空卒卒。身世益佹佹。間服移官歎。懷沙去國傷。終殊弋何慕。況事色斯翔。霞谷寧終計。龍門已暮年。向來嗟獨後。今日可忘前。既繆青衿學。當思白首傳。猶須就吾子。相爲語蟬聯。我不識裘父。聞之空有年。曾題五字寄。僅以尺書旋。諸老沒已久。故家誰復賢。猶欣得吾子。句法早親傳。西京劉校尉。上疏引春秋。聖學期深探。明時可妄投。他年王子表。今日古人求。幸甚聞無恙。頓能寬遠憂。吾與徐斯遠。敬之寧獨親。詎須勞咄咄。徒覺歎蹉跎。共樂名教地。同耕寂寞濱。敵裘堪並御。宜爾耐艱辛。幾欲相酬答。詩情了不關。攜從五溪遠。直過洞庭寬。歎我終成累。多君不可刪。黃昏佇立久。雲盡覺無山。憶我江東弟。書來得慳怡。寺居因市近。村舍與貧宜。兒輩詩書力。童奴薪水爲。尤當護吾竹。及此夏初時。

求友詠伐木。思兄言陟岡。那知符檄累。不了道途忙。照水形知瘵。臨風髮欠長。想渠能我憶。如我不渠忘。兩載沅湘役。雖勞何所爲。蝦行仍蛭渡。猶豫復狐疑。孰念鉏犂把。殊勝手板持。山南與山北。舍子更從誰。

真游覓唐德輿題詩不見有懷其人八首

險絕辰州路。曾聞一再行。看岳有留句。捫石欠題名。四世斯文事。平生一壑情。何當從此去。感念在先生。雨後林園合。風前裘褐輕。當遊元不惡。有士與同行。定識田中趣。殊勝俗裏情。誰過江驛靜。日聽笳輿聲。月上侵衣薄。風來颯鬢秋。有觴寬僦仄。無意計沈浮。誰念千山底。深懷二老游。更闌竟忘寢。詩就不成謳。幾歲天台住。今年雁蕩遊。心期在康樂。人謂作監州。騎從真能屏。煙霞定賞幽。他時期一訪。好爲著詩留。讜論歸臺閣。交情異笠車。不甘腰爲折。寧使鬢成華。莽莽湖之北。悠悠海一涯。銅魚偶逢使。書寄阿戎家。一紙日邊裁。千山徼外開。所同唯甲子。絕異是人才。學問須傳授。君家有自來。嗟余獨何者。道阻乃從洄。相從寧見樂。相別迺知悲。況辱平生友。而望晚歲期。已醒臨別酒。還讀送行詩。何況維舟處。蒼然暮色時。去矣不爲難。山長水又寬。未曾搖短棹。已自失危欄。厚意煩三友。相要下急灘。雖然賒執手。顧免別辭酸。

與成父別後有懷

何物催衰白。頻年屢別離。弟兄俱老境。搖落況秋時。汝水應余憶。袁江獨爾思。不堪行似棘。更對雨如絲。

懷明叔三首

結交不在早。傾蓋有餘歡。愧比陳蕃榻。猶吾陋巷簞。新來幾日別。無計百憂寬。世俗輕交態。相期在歲寒。

紛紛閱投刺。往往盡冠儒。歲晚見松柏。火炎知砭砩。寒應憐我獨。玉趾賴君迂。政爾如修竹。何能一日無。微風吹甚清。缺月照同盈。盤礴得露坐。喧闐嫌市聲。何勝憶玄度。底處覓彌明。念我筠窗底。蕭然榻正橫。

懷王彥博徐審知

遮眼文書倦。可人親友賒。雨踈無更有。鴉斷直還斜。兩鬢寧禁白。餘生孰可涯。關余三作徑。愧爾五其車。

再見晦庵既行有懷

已別重成見。重來那得長。順流聽泐泐。冷日對荒荒。既歷冰霜至。還憂雨露雱。去留俱有念。搔首謾彷徨。

懷靈山呈元衡

故人移住遠。明月挂簷遲。誰復相過語。何從共覓詩。白頭甘斗食。青眼望羣兒。想見靈山閣。雲峯夏愈奇。

懷伯謨

爲憶窗間句。思從物外人。白雲空在望。青眼爲誰新。一別已數載。再來還幾晨。期君歸對策。過我莫嫌貧。

懷秉文

稍過湖頭路。臨流但遠林。打篷知雨急。蕩槳覺溪深。紅葉傳秋色。青銅慨古心。平生學詩友。兩地復離襟。

夜坐懷李季蓬

舊誦凌雲賦。新哦泣鬼詩。結交何用早。傾蓋許深期。捷徑看君絕。長途覺我衰。殷勤今夜月。全似過橋時。

過曾季永。見壁間張安國所書天下第一真僊之巖。知有融州便。託附賈季承書。作二詩呈季永。且

懷季承

見井渴已止。投林心更欣。行方觸炎熱。坐覺遠塵紛。誰滿鵷鸞集。子猶麋鹿羣。融州在何處。壁字帶巖雲。不見融州使。無從可寄書。僊巖忽逢字。驛騎想非踈。室近宜人桂。官勝衝尹驢。江南熱猶劇。嶺外比何如。至豐城。懷溫叟。叔異。南秀。欲題之。叔異。曲江磯之菴。已蕪甚矣。重增太息。

浩浩寒流急。蕭蕭落木高。江山故雙劍。人物欠三豪。客意已愁絕。風聲仍怒號。相思意無極。佇立首頻搔。送文叔入都兼簡乃弟華叔陳元齡周畏知三首。

叔夜雖逃懶。元龍政坐豪。清談盡名理。老句逼風騷。才大端難屈。時平敢自高。驕驕合鸞輅。斥鷃祇蓬蒿。落落初寮裔。英英桐樹孫。科雖分進士。官亦到詞垣。嘉王叟韓無咎皆以無出身人作中書舍人近例皆如此。茲行不在言。故人誰健在。為我謝陳蕃。

松谷門無鎖。迂齋席有塵。文叔所居松谷白號迂齋山林從寡伴。臺閣政須人。才識思難弟。儀型想伯仁。諸公皆袞袞。老子自踈踈。

懷李商叟

舊隱屏風疊。而今半在村。作詩傳正派。對客理清言。我埽山中屋。君開竹下軒。風流要還往。一葉任溪喧。好在半村宅。竹添相長枝。空餘相憶夢。不見寄來詩。苦節君蒼舊。卑官我判司。因來貴溪水。一為洗塵縑。

懷謝子暢

中年非畏別。我輩自情鍾。慘澹千山雨。淒涼四壁蛩。有詩因悶得。無酒似愁濃。未說扶藜去。猶期一再逢。

寄處州李侍御二首

自聞開幕府。幾欲走郵筒。便有江湖役。仍遭貧病攻。想多爲郡樂。亦復賦詩工。又最淮陽課。何時用翁。
已上湘祠請。猶須漢臘期。則聽惟北雁。發興在南枝。貧已長年事。官寧向老爲。舊聞烟雨觀。猶擬和公詩。

送處州斯遠二首

孰有如公者。蘄州又處州。時人得稱誦。氓俗記君侯。吏有循良擇。官無內外憂。願將田里事。一一奏前旒。
珍重徐斯遠。茲行豈漫遊。過江探禹穴。下水到嚴州。損益觀其友。淵源問所由。我駒如有繫。君去莫能留。

送張王叔孝曾二首

難弟詩初和。難兄蓋復傾。時方論名位。公獨敘交情。八座使邊節。舍人垂世名。用之俱未盡。袞袞看公卿。
接壤渠陽郡。咸歌別駕賢。薦書曾列上。除目聽爭傳。水疾山危處。風高木落邊。栖栖憐倦客。渺渺送歸舡。
去冬十二月。與成父分袂於上饒。春見於溧陽。又見於臨安。成父竟先言歸。作是詩以送之。

送沈善昌朝沅陵之子

論契繇先世。言交自迺翁。俱成落湖外。每恨隔湘中。得見無幾見。願同終罕同。如聞工賦好。無或嗜詩窮。
送鮑必達兼寄章季亨

人物稱夷白。星文仰少微。常云馬羣盡。乃得雁行飛。天外一再見。客中先後歸。因行謝章子。別久頓書稀。

送唐信州

立朝因事去。治郡乞身歸。世議無公是。人情有獨非。陶潛深避俗。張翰早知幾。試問還家樂。娛親只綵衣。

送陳監獄參告宜春

不見存齋老。風流尙竹林。一官香火吏。五字短長吟。快閣鷗鷺渚。仰山鐘磬音。何當同蠟屐。不用動離襟。

送徐茂叔游宋衡

譽自賢關得。才由治劇新。諸公共推轂。此去各通津。歎我年猶弟。如何鬢總銀。非關缺爲別。愁絕恐傷神。

送邢大聲宏音二首

客裏送行人。情鍾況所親。絮飄吟帽雪。花雜馬蹄塵。何處爲寒食。還家尙及春。園林檢校事。欠酒著詩陳。不獨論新昏。晏晁原老親。見來能幾日。別去忽今晨。聖代無遷賈。明時豈避秦。長沙武陵地。行樂異傷神。

送徐季純

觸目僞耶真。先生金玉人。須知託交契。不特爲情親。謁告歸何遽。連環夢豈頻。還家已春服。綵戲不妨新。

寄送潘文叔恭叔二首

夏潦方爲問。秋風又枉書。寒溫敍安否。問學叩何如。斑鬢驚催老。青衿悔負初。朝聞夕可死。何敢廢居諸。已道衡州遠。而今又廣州。壘篋君膝下。風雨我蠻陬。至矣貧而樂。誰云富可求。斯文失張呂。吾道闕朱劉。

劉二先生動靜

送張交代察

歷數肝江士。推君父子間。夷途有霄漢。蹇步乃荆蠻。薦牘方爭上。交情勿重攀。無緣更州縣。小試亦編刪。

寄送于去非三首

三載尉雖卑。諸公競已知。薦書常杳至。賓幕每牢辭。玉立風神峻。河傾議論馳。他年繼質肅。應有後人祠。
草木政怒長。波濤方疾流。雄辭雜蛟蚓。健筆走龍虬。我句平無取。君才勇莫儔。如何晦翁語。折節繼前修。
假館我多暇。驅車君苦忙。近時成契闊。遠去益淒涼。聞說催歸騎。何由把別觴。歸心濯章貢。遠目遡沅湘。

章貢水過豐城縣下

送劉伯瑞四首

長懷遠齋老。贈我五言城。世上幾朋友。吳中君弟兄。頻年欣再見。南走恨東征。情話悅親友。交情見死生。
遠齋無恙日。酬倡幾多詩。杜集容今附。韓門見昔師。青雲雖益顯。種髮欲奚爲。更欲求餘本。流傳海內知。
居者與仕者。所知張宋間。咸能謂君好。政欲警余頑。論已窮千載。才寧減二班。何當傳副本。免使訪名山。
衡州有賢牧。吾黨更監州。事作鹽梅濟。殊非涇渭流。斯民均受賜。治狀各推優。看卽蓬山上。聯翩兩校讎。

送李仲詩二首

武陵曾遠客。主簿作南征。緬想經行地。猶含賦詠情。故人如見問。白髮欲千莖。卻記相逢日。回頭歲月驚。

今代知名士。君家萃一門。不惟文獻在。政自典型存。臺閣期平步。沅湘莫斷魂。平生翰墨事。茲可壯其源。

送周袁州赴鎮三首

百里更題輿。纔分刺史符。循良重他選。途轍詎常拘。不但治文牘。要令歌袴襦。威休顰笑裏。無或謂民愚。家住青原下。宜春起作州。風聲故習熟。治政得優游。意見寧當出。江山自足留。端能不嫌客。準擬繫歸舟。世亂離鄉里。愚生後老成。契敦馮翊幕。親敘穎川盟。薄厚寧同俗。死生無異情。一枝殊未穩。何日息飛鳴。

送晁元默自潭還撫二首

臨汝差池再。長沙邂逅初。飄零渠念我。留滯我嗟渠。盤礴雖云久。追隨固若疎。未知從此別。後會復何如。流落悲遺俗。淒涼說故家。文科君有繼。世業我空嗟。白髮時今晚。青雲去未賒。還家語歸父。襦袞要功加。

送潘元壽

喪亂違初載。飄零得晚交。薰蒸厭糟麴。塵土困榜敲。折柳分青帶。贈蘭開紫苞。君行過懷玉。下有我衡茅。

送晁舅翁子應過寧鄉謁令李思求

藉藉瀉山寺。堂堂忠獻墳。幽光發泉石。義氣慘風雲。文舅雅能賦。令君深好文。懸知契談塵。不待對爐熏。

九月五日具草酌同彥博審知成父集於普寧山半之亭作詩二首

探支重九日。試手菊花樹。論置人繁寡。觴行自淺深。風能度林杪。月亦吐山陰。四聽蟲仍起。中還著我吟。平生羞狗監。何曾失羊斟。與子風期尚。相要林壑深。分甘駒在谷。寧事鶴鳴陰。此日胡爲樂。詩成改又吟。

九日有感

寥落淵明後。淒涼九日期。尋花漫青蕊。對酒祇空卮。林密棲鴉早。江寒泊雁遲。樓高無那倚。絃絕有誰知。

九日懷周仲材

吹帽今朝是。登高舊俗同。窮鄉怕逢節。病骨怯臨風。此日千憂裏。他時一夢中。白衣殊不至。空繞菊籬東。

九月十三日雪

稍稍雪初集。泠泠風未停。粗能成默綴。還是學飄零。征路高低滑。炊烟遠近青。籃輿所經歷。詩語費平亭。

雪中四詩

歲既遭連旱。天恩錫屢豐。匪霜伊作雪。因燠遂成風。信豈期夕際。誰云反覆中。寒廳苦無事。冷語卻慚工。茅簷元未覺。竹瓦偶先知。被冷渾忘寐。窗明得屢窺。雞鳴因誤早。犬吠極驚疑。我亦胡爲者。侵寒要索詩。慨念耕田叟。遙憐射獵翁。追蹤盡狐兔。遺種絕螟蟲。試問南山廣。何如渤海髡。無矜沒矢力。要格帶牛風。疫癘潛攘卻。埃氛一洗蘇。相看卽陽復。何必待雛驅。未暇憂薪水。且同歌袴襦。有年如再得。卒歲可無虞。

雪後二首

幽徑朝披雪。寒村晚對晴。眼邊多意屬。詩裏欠天成。一宦猶賒綠。多田肯借耕。鄰家競春務。客子動羈情。麥苗猶藏綠。梅苞尙掩紅。祇言晴作病。何意雪爭功。擁褐朝慵起。扶藜晚漸通。林行語鴉舅。溪立漾鳧翁。

對雪有懷

頗怪風能急。還疑雨不成。疎疎聞夜半。瑾瑾及天明。安否妻子念。乖離兄弟情。誰令負湖海。政使落蠻荆。

雪後三首

松竹夜枕聽。窗扉朝起看。雖成見睨喜。敢廢履冰難。照映形知穢。噓呵詩故寒。要能窮極覽。安得振飛翰。
陰巘猶施白。朝林已沐青。墜鳥飛蔌蔌。射日粲熒熒。便恐歸無迹。聊須記所經。耳聲并目色。佳處若爲形。
一雪豈戲我。頓晴還起予。寺逢東野古。梅誤北枝疎。發興清無極。深行畫不如。冰泥漸融釋。卻恐汚衣裾。

十二月二十九日雪三首

歲是明朝盡。春猶半月遲。人言無復雪。天意肯違時。宿麥爭萌達。遺蝗絕類滋。年豐如可待。吾豈病長飢。
犬吠非因盜。雞鳴已後晨。穿窗殘月在。布地落花勻。我亦驚霜鬢。誰能念曲身。久晴常畏病。逢雪更憂貧。
蔽天纔集雨。動地忽驚風。芋絮潛加力。杯觴稍費功。山川相映發。竹樹失青蔥。幻質知難久。茅檐溜已通。

雪五首

霰集瓦跳鳴。風橫窗打聲。陰來由有漸。落去勢難平。龍具愁終夜。鶉衣起遲明。兒時故狂甚。老境只寒生。
臘裏逢三白。詩中得數書。書生真有癖。習氣果難除。更上高樓望。聊將遠目舒。天災如可弭。凍死未憂余。
舊褐猶堪着。晨炊不待營。江磯有漁者。山徑亦樵行。爾勿資閒詠。渠應甚苦生。還家對妻子。半菽與藜羹。
戶戶薪充續。家家爐作牀。懸知火明暗。是繫體炎涼。爲俗陋至此。斯民真可傷。詔條先勸課。王政本耕桑。
夜久寐無覺。曉來政有聲。雞鳴疑遠墅。鼓動忽孤城。異縣留妻子。殊方老弟兄。懷哉一斗粟。於汝豈無情。

教授以憶梅韻賦雪詩蕃同之五首

窮巷朝仍擁寒廳。午未開人誰送酒直。鳴爲致薪材已倦。除頭垢寧能拭硯。挨高情蒙枉記。好句數能來。平地疑無地。知時復過時。梅花遍南嶠。雪嶺亘西陲。兔狡猶迷窟。禽僵詎立枝。摧頽如我者。蕭瑟欲胡爲。俸薄愁斯立。饑長困拾遺。經營將有賦。零落不成思。凍結須頻折。烟凝袂半緇。陽春竟何在。卒歲以爲期。窈窕緣江路。幽深隔岸祠。爲梅期載酒。因雪重廣詩。儻匪相娛樂。疇能遣歲時。出門妨積凍。散策待晴曦。賸有騎驢興。終成閉戶居。江山峙書閣。松竹隱僧廬。但遣官成集。莫言丞負余。可於風雪際。頓使唱酬疎。來詩有近日詩卷頓疏之歎

次韻簽判丈喜雪二首

雲蔽初疑雨。雲開復似晴。北風何自起。南雪驟能成。沴氣應無作。東郊看有耕。怨咨懷往咎。驢喜見今情。鬢非絲素白。顏是酒爭紅。獻瑞吾無與。哦詩且課功。要攜藜杖出。安得凍泥通。事已空梁苑。公今亦醉翁。事見坡公聚星堂雪詩

嘲晴

薄雪未滿旱。苦晴翻劇喧。長林無悴色。幽鳥亦多言。縱喜春當復。還憂病作煩。梅花愆驛使。芳草望王孫。

五言長律詩

春雪四首

旱歷三時久。荒成比歲連。祇疑吾邑爾。復道數州然。懷懷溝虞墜。嗷嗷釜釜懸。縣官深惻怛。長吏闕流宣。賑米多虛上。蠲租豈盡損。處心誠昧已。受賞更欺天。敢謂皆如此。其閒蓋有賢。大江分左右。萬口說朱錢。

謂南康朱熹元暉使君。江西錢佃仲耕運使。

隴麥苗尙短。畦蔬栽未勻。旣飢還苦饑。度臘復常春。往者雖深念。天乎本至仁。忽來風不斷。遂但雪無垠。撼撼初兼霰。霏霏且蔽塵。田家欣鼓舞。客子敢攀呻。破衲深陰夜。生薪急燎晨。無從漉醅舊。聊且賦詩新。喔喔鷄啼墅。狺狺犬吠村。遇樵微有路。因汲半開門。老子將停軌。輿人請載犇。詰朝如未已。兀坐復奚論。我亦貪奇觀。行因用汝言。旣孤裘坐擁。寧憚筆時援。柳絮憎陳語。梅花憶故園。凍髭真易折。皴手詎能溫。天外難摹境。眼中無數詩。未能憂凍死。眞復是狂癡。不廢書深映。宛同驢借騎。高低酒價問。遠近佛廬知。要學禁物體。良由多愛奇。悠悠竟何得。役役謾成癡。有弟歸先我。因渠屬有思。王徐吾畏友。印幼所嬌兒。

次韻何叔信雪夜

夏日苦炎熱。秋風灑靜便。一年還欲盡。萬事不如前。觸目長昏霧。憂心抵瘴烟。詩人吁養鬼。烈士恨飛鳶。本意多閒暇。何爲亦糾纏。陰風聽門壯。積雪見山巔。蠟屐遙思著。荷衣猛欲牽。當君開卷讀。是我枕書眠。酬唱何寥落。乖離易歲年。亦當爲有賦。枉贈忽同然。

雪初作懷成父弟及諸子

歲事方虞旱。山行敢願晴。雨花纔若灑。冰霰忽如傾。孤役寧私已。羣生足慰情。泉源滋久竭。隴畝動深耕。

冷落三家住。凌兢獨木橫。暫從求束縑。還是問前征。凍雀成頻墜。荒雞誤曉鳴。憶兒衣孰挽。懷弟艇猶撐。便可鉏三徑。因之治短檠。豐年今可必。與汝飫藜羹。

雪中懷成父

只道渾無雪。那知待得春。人情聊自慰。造物信如神。凶旱拘常數。乾坤本至仁。麥遲猶可種。米賤況多陳。問我官居趣。還如宿昔貧。未能憂簿領。長苦計芻薪。對此得無感。慨然成久嚮。更聞江左弟。仍困甌中塵。

雪

動地風初作。披空雪遽鋪。幽能吐山岳。遠至卷江湖。藹藹穠迷屋。紛紛遂塞途。月疑常掛曉。日爲不成晡。徒倚詩難狀。憑陵酒易無。近人憎犬躍。在野想鷹呼。勢重微摧壓。滋深快洗蘇。當憂竹柏折。且救蕙蘭枯。順喜遵時令。寒寧恤病軀。年豐物無癘。此外亦何須。

奉送純父元之昆仲

春江足風雨。雨裏送江行。黃綬我白下。絃歌翁武城。題輿適茲地。捧檄重相并。邂逅得兄弟。從遊成友生。臨分皆有贈。雖病可忘情。中壘經窮旨。建安詩著名。絕知傳世遠。可但決科榮。江右連江左。相期茂厥聲。

見月有懷

中秋不數日。明月未頻看。向晚雲無滓。初宵露未團。幽幽但庭內。渺渺屬河干。地迴空無蔽。灘長靜不湍。巴童擊小艇。漁父舉長竿。墨本句中畫。詩工珠在盤。莫親談矻矻。空復夜漫漫。客枕成疲臥。書窗記讀殘。

發岳川

獄事生人繫。使臣王命將。移官乏童馬。泛宅特舟航。浩浩沅湘疾。滔滔孟夏長。妻孥累微祿。盜賊幸空囊。水驛纒容借。風帆又趣張。誰與可尤怨。政爾賦行藏。

送張王臣

邂逅高標識。漂流仁里依。君爲鄂渚去。我亦鼎州歸。風月情何已。江湖便苦稀。政嗟書莫數。忽喜塵重揮。論事多驚俗。談詩每造微。方能以文會。遽復攬征衣。常伯麒麟像。詞垣鸞鷲飛。官今況京秩。名且達天扉。天馬當雲路。沙鷗合釣磯。無庸問車笠。要不負鞿韉。

送唐德輿

國朝唐與蘇。不數漢相如。繼彼二季後。當茲三世餘。青雲曾給札。班鬢尙題輿。古義惟知學。時人或謂踈。鄭虔歸繫馬。阮籍倒乘驢。日月且逝矣。賢才終舍諸。何遲問安在。可使賦歸歟。直自枉渚宿。還過彭蠡豬。岷江飲鄉水。廬阜訪林居。翰墨深懷趣。登臨想盡據。峴山孤湛輩。栗里羨宜舒。執友半廊廟。先生寧里閭。家聲紅藥省。人望玉堂廬。計日豈偃薄。匪朝應詔除。公其作鳴鳳。我自伴春鋤。

章泉稿卷三

七言律詩

寄唐德輿時決獄辰沅

生平但識古書耽。老至方知世路諳。君想歸途在巴蜀。我行何日返東南。江湖比苦無書疏。風月今憐阻笑談。暇日銷憂應有作。簿書仍急亦何堪。

與世美奉詔旨分督決獄甲戌判袂之武陽壬午還宿中興寺而得世美自延平所寄詩因次韻
盛暑宵憂動遠旒。敕催諸道決纒囚。承流宣澤彌兢惕。履險航湍敢滯留。南北分馳纔數夕。重輕釋繫已三州。高材想盡哀矜意。美疾當從勿藥瘳。

次韻斯遠晨起見示

雲行日日候西東。更卜林啼與穴宮。乍見天邊成四合。不知山腳本來空。豈惟吾輩憂艱食。更說軍儲倭屢豐。詔旨已聞湯自責。缺然諫紙疏由衷。

見榴花寄周丈

安石榴花照眼明。去年四月在都城。曾於古錦窺書帖。更以香醪酌兕觥。照曜屢嗟紅最盛。寵光今想綠增榮。定王舊國重看處。門第遠離歲已更。

過曾季永

飯餘頗欲步尋茶。行到溪頭小隱家。密竹自慳今歲筍。餘醲猶有後番花。耽詩歎我寒仍瘦。養氣知君老更華。夏木扶疎更應好。要分犢草伴鷗沙。

次韻答斯遠見過

舊書零落不能收。漫說當年寒具油。歸至未成三逕埽。契深重敝百年遊。交情要是樂莫樂。世態從渠浮自浮。雨薄雲開冬似暖。一杯相與共扶頭。

過在伯于學中因而留飯

種竹栽桃久已成。滋芹折杏尙留情。一官何可占遐志。萬卷懸知有舊盟。得酒更能頻飲我。賦詩未穩每從兄。向來準擬俱歸去。今日參差不遂行。

暇日過在伯因而留飯

身在山中不見山。興來騎馬到江干。幽憂本藉登臨釋。偏从還因笑語寬。半歲相從終歲別。束書可作素書看。我雖無友不如己。卻恐君思取友端。

六日復飯于審知家作長句并呈彥博

門徑蕭蕭喬木風。問君胡樂此安窮。君家有窮樂齋五言寓興雜今古。一飯留人隨儉豐。白雨已催蘭楫浪。綠樽尙擬菊花叢。可人更約王郎子。共上山亭送遠鴻。

宿王氏新居晨起興懷

幽事關人自啓門。桂林殘月似金盆。眼中渾是舊圖畫。詩裏卻無新語言。未恨此身常寂寞。厭隨羣動作。嘲喧。南山莫負平生志。手種修筠今有孫。

筋竹寺僧居邠。錄寄寺中留題。因次孫溫叟所用趙南雄韻寄居邠。

夢向清江不見涯。覺來身乃太行車。新居寄我山中集。倦枕渾忘午後茶。愛此好風當北牖。待來明月望西斜。但憐獨鶴歸何晚。不問滿林先暝鴉。

雨中有懷

春風吹雨暗連朝。聞道溪南欲斷橋。忍使碧桃拋密葉。更堪高柳折輕條。成都舊日空存壁。陋巷歸來只掛瓢。想見諸公方痛飲。坐看雲腳度山腰。

過秉文

相過每飲必論詩。濕响沫濡真自癡。名且不爲身後計。意寧能問俗間疑。世皆競取君公謂。我獨何妨爾汝爲。日暮劇談殊未了。臨分更爲月遲遲。

夜月

昨宵一雨暑全祛。月與新涼入坐俱。喧寂不隨羣動役。形骸肯效俗人拘。江湖萬里風爲御。枕簟高秋肺合蘇。三五縱圓晴未決。爲渠吟絕攬霜鬚。

送孫子肅子儀兼寄子進

自君來主玉光亭。老柳頻看禿又青。雞黍欣留故人飯。文書惡雜長官廳。鄉來念別今真去。從此微言孰爲聽。伯氏膺門季同役。歎予無策佐揚舲。

送梁和仲兼屬寄謝吳丈三首

故家人物久荒涼。政爲詩書種不長。邂逅得兄真大雅。浮湛如弟漫斯狂。平反已與于張輩。文力更居崔蔡行。以薦陟官雖足喜。奈何塗轍僅尋常。

學詩將老竟無奇。猶有求交氣未移。臭味祇知論翰墨。情親元迺與墳篋。見來草草都能幾。別去悠悠孰慰思。衢信兩邦聞擊柝。叩門他日得追隨。不但言歸自乞歸。使家幕府兩相違。換官雖用朝廷法。竊議難逃世俗譏。適我愠于心悄悄。送君往矣柳依依。若見河南應枉問。爲將前牘叩天扉。

重送劉伯瑞二首

逢逢樓鼓趣征航。草草郵亭共別觴。對面已驚時節換。分襟難復話言長。君今去路雲霄逼。我政落身糟麴傍。邂逅詩成儻垂寄。年年有雁到衡陽。連朝細讀遠齋詩。感舊傷今意可知。陶寫要憑杯面綠。蕭條祇益鏡中絲。人生未免乖離恨。君去足寬兄弟思。驥未作官文解印。獨嗟和也廢吹篋。

寄送府判寺簿先生二首

大旆傳聞發武昌。歸舟復道抵維揚。幾年風月欠李白。今日河山須子長。要爲中興考形勢。豈徒餘事著文章。翻然欲去無翎翅。自歎不如鷗鷺行。
朱游不肯留東閣。子政猶須校祕書。自有大名喧宇宙。豈勞當路借吹噓。舟中加意護寢飯。日下卽當來詔除。大廈如山要梁棟。不應空賦愛吾廬。

送愚卿兼簡魯卿卓卿

逢人盡道爲官去。爲訪名山祇有君。屨底衝殘大仰雪。筆頭帶得祝融雲。區區自誓王逸少。歷歷臥遊宗少文。歸見二難應細說。恨余佳處阻平分。

以山藥傳擔團茶送向伯原用舊韻

江郊重數少陵堂。草木依人亦寵光。柏藉扶持難雨溜。竹逃翦伐易雲長。雞蘇鶯粟類熟炙。熟炙事見林間錄山茗溪茶同摘蒼。杜詩有摘蒼耳詩我願糜瓊更加璧。助其問字有過揚。

公擇過門告別口占送之

平生幾作送行詩。展卷常增別後思。我分無堪祇貧賤。君林未免尙驅馳。江山此去雖多識。桃李何心亦念離。邂逅有人頻寄字。要知安否慰孤羈。

送章季亨

隨檄常懷舍舊廬。值公作邑數旬餘。攝官敢道爲僚契。投迹仍容借屋居。詩社三年暗唱屬。交情一意保終初。莫嗟了事真良苦。去讀人間未見書。

送潘端叔

長沙送我枉君辭。懷玉逢君動我詩。不是固違良友戒。舍渠寧慰遠遊悲。雁來海角平安訊。春到湖邊南北枝。儻憶平生故人否。衡門之下有棲遲。

潘元壽以九月十一日行。莫令君領客攜具泛舟餞之。蕃用九日韻作詩。要莫及徐丞同賦以送潘。江閣初登柳未黃。坐看葉葉亂飛霜。壯時自倚矜詩膽。老去深悲廢酒腸。浩蕩頗思隨汎鷁。飄零那只对離觴。朝天踵卽送君去。而我終爲肺病妨。

送王贊子襄

倦能聽雨眠窗底。忽起看山到水邊。遂性不如衝露鳥。流行何況下江船。不臻屈子南征地。寧識秦人避世仙。邂逅相逢又相別。一杯重把定何年。

送陳擇之從留尙書辟便呈鄂州劉別駕

聞道尙書鎮益州。故知朝取杜參謀。孤舟南浦欣相遇。萬里瞿唐送遠遊。爾後有懷惟蜀道。幾時因使覓蠻陬。經行訪古應成賦。我所思兮黃鶴樓。

送趙興國

憶昨屢過叢桂坊。誦詩說賦聲琅琅。飄流倏忽歲幾換。邂逅分攜天一方。治狀如君行且召。賦歸於我策爲良。一篙清漲百灘沒。愧此蕭然鷗鷺行。

懷成父

柳黃初作一庭秋。詩瘦寧消萬古愁。客子豈無衣褐念。飛鴻猶作稻粱謀。早須微祿非因酒。晚願全生但守邱。望爾不來來且去。江頭吾已具歸舟。

懷成父弟

竹裏人家茅舍烟。竹籬崩缺澗鳴泉。幾聲啼鳥隔林晚。兩樹桃花相對然。古路經行斜更直。好山迎我後仍前。慳謀坐睡還成覺。春草池塘思惠連。

午寢而起懷子儀公擇

夢裏槐安底處宮。夢回依舊向來空。竹陰可藉日已薄。柿葉堪書霜未紅。酌酒誰知幽子獨。縱談那得兩君同。詩拈信手初無味。閒向西窗運禿翁。

月夜懷子肅昆仲

眼邊風月佳如此。把卷題詩卻未工。賸喜俗塵如世隔。更憐清趣與誰同。荷侵水檻公懷我。檜合茅簷我念公。相與阿連當此夕。停杯剝芡話吳中。

寄周愚卿昆仲

四時佳節惟重九。況接君家鴻雁行。乃以病軀親藥石。坐防山屐共壺觴。別來忽忽春逾仲。望極悠悠晝莫常。想見回頭登眺地。清源雲合鷺洲長。

宜興道中望銅官山懷孫子進昆仲兼簡子儀

雪與銅官相白青。幼成豈亦自仙靈。頻年此地凡幾過。絕境今晨得再經。野鴨陣飛驚撲漉。賓鴻獨叫苦丁寧。平生畏友三孫子。海角邊頭似曉星。

自宜興過溧陽

荆溪路入白雲徑。勢與松江相並寬。政以機輕憂逆浪。忽逢風轉起飛翰。須臾又報一舍過。轉眄應無百里難。卻恨銅官易成遠。不容雙目細留看。

自江下徒步至廟山

雲嶺模糊積未消。雲林爛漫合仍飄。一兒跨犢飲田水。幾擔束梅同負樵。泥滓無嗟廟山路。魂棲正避浙江湖。汗人更爾緇塵遠。滿眼何無詩思饒。

過豐城見甘叔異懷孫溫叟

劍氣當年屬斗牛。散爲人物尚南州。時平未可蘇門隱。道在何卑幕府留。聞道爲賢多受賞。未應此士獨遺搜。經行不暇窮三徑。邂逅羊求詢舊遊。

送鍾子崧解官而歸

三年簿領淹佳譽。一日江山問舊程。卻恨過從曾未數。浪綠文字許深評。已傳相國知韓愈。安用河南薦賈生。此去看公副時用。便應容我老農耕。

送人赴闕

雪後晴催江上船。一杯政爾話蟬聯。人生契闊可堪數。後會渺茫還屬天。薦墨向來非草草。除書此去定翩翩。西湖處士當年句。借問沙鷗若箇邊。

衢州城外

纔得新晴半日強。廉纖又復蔽朝光。梅花黯黯春將暗。麥壠青青餌欲香。野水數彎流以決。晚山幾疊澹而長。秋風紅葉騎驢去。歸日侵尋且載陽。

送張王臣還峽州兼屬峽守郭郎中季勇二首

九州四海張安國。翰墨文章自出奇。無復若人空閣象。忽逢難弟更名詩。流風善政未云遠。家世斯文當屬誰。我愧不堪門戶寄。相逢歎息在於斯。

久矣聞風折角巾。近來乃得誦詩新。雨奇晴好西湖賦。梅落草生三峽春。嘗見使君與周子中西湖唱酬及聞君誦半落半開梅好處似無似有草生時之句再拜因行爲多謝。尺書願寄恐無因。靖州儻有平安使。佳句驚人厭煩。

送王汝之江西二首

一杯濁酒慰飄零。百首新詩見典型。笑買扁舟又西去。悵予篷戶只深扃。向來雨合滕王閣。復道榛迷孺

子亭珍重君行煩寄語。明年訪古會重經。
君行應到鬱孤臺。惆悵登臨記昔孩。別酒尙遲三徑菊。歸鞍好待一枝梅。將軍揖客能增價。幕府羣賢定
挽才。我亦方謀下吳會。未知何地得重陪。

簡張王臣借觀紀行詩卷

問訊騎鯨已莫追。池塘生草但傳詩。與公縱說江湖隔。有弟解談京洛期。政爾飄流落蠻徼。偶然邂逅識
天涯。論交於此夫何敢。行紀相從得借窺。

張以詩卷來再用韻謝之

絕嘆風流不可追。賴聞難弟更能詩。半生求識終無遇。一見于今已後期。昔在蠻荆執疆理。後來秦漢始
津涯。征南政欲圖經借。把卷如同禹穴窺。

過商叟林居蒙示半村詩集及曾吉父宏父王元渤詩卷因用前者奉簡之韻作二詩上呈商叟許
抄半村詩集見遺故及之。

只道詩家無續燈。半村今喜見孫曾。非關竽瑟異王好。自是文章多命憎。題贈向人無苦祕。流傳後世豈
無能。溪頭賸欲連朝住。舟子催行底見仍。

結交早日類知名。豈但當年王與曾。野鷺家雞隨所嗜。玉環飛燕詎宜憎。筌蹄久矣成深悟。鷲馬猶當勉
未能。好取他山細摹刻。客來傳寫怕相仍。

趙蘄州枉示數詩。皆弋陽往還所作。經行道間。有懷其人。作長句寄之。

一飯留人意甚真。數篇仍出好詩新。追隨卻恨向來少。悵望空增別後頻。到處鶯鷗如習熟。轉經山水盡精神。可憐吟諷多餘地。只是登臨無若人。

頃與公擇讀東坡雪後北臺二詩。歎其韻險無窘步。嘗約追和。以見詩之難窮。去冬適無雪。春正月二十日乃雪。因遂用前韻呈公擇。

想思不是冬無雪。留待春風鬪冷嚴。病骨未憂衣乏絮。早餐寧歎食無鹽。晝添鑿落元同色。竹影參差半入簷。坐守地爐應不厭。破窗平見北山尖。雲埋老屋無薪賣。晨起謀炊自毀車。覓飽預期千頃麥。破慳先試一春花。便營野屐尋茶戶。更約緋袍當酒家。處士祇今疑姓賈。壁間但沒挂錢叉。

初八日過總持。以雨不得觀龍井。休日再往。經孺子亭。又過南昌縣側。訪梅仙舊宅。黃冠居之。觀名屢易。今爲報恩光孝。

滿城車馬走塵埃。湖上幽蹊長積苔。喟嘆高風尙千載。殷勤兩日爲重來。吾生詎老五斗米。此地終期三徑開。大廈崇成非往者。況予擁腫自樗材。

登清音堂。訪介菴壁間留題。已有漫去之者。偶成長句。

十日溪行雨霧深。曉晴催我強登臨。壁間變滅龍蛇字。海內傳流金玉音。欲爲廢興聊下語。不堪山水感

人心何時遂此扁舟志。占斷鷗波得細吟。

夜坐讀書有感示兒姪

老矣讀書如欠緣。心非敢後足難前。切磋有道方成器。穉蕞無功敢望年。搔抑空憐髮種種。摩抄仍愧腹便便。吾家門戶何所寄。但願兒曹相勉旃。

書懷

春風吹雨又吹晴。柳樹能青桃樹明。細履野蹊初見蝶。卻行幽徑未聞鶯。布衾雖破猶堪典。菜甲縱稀亦可羹。政擬遠同嵇叔夜。一尊濁酒話平生。

書懷二首

要令多病也身輕。安得晨風永晝清。瑟瑟泉流沿澗響。疎疎松吹轉空鳴。生平舊隱蘚蹤合。老至危途蓬鬢生。松柏後凋聞古語。若何秋菊敢齊名。

去日春江白芷生。再來秋野螻蛄鳴。浩然已分不才棄。張翰安能郵後名。自嘆還山何太晚。政須杯酒爲深傾。憑愚邀敬多官府。與想桃源源上行。

困坐窮山無以娛日用隨齋問訊韻寄莘夫并呈隨齋

少陵苦憶將廉頗。才似淮陰亦奈何。豈待秋風方憶鱸。不堪夏日況揮戈。分當鹿鹿終隨後。言敢譏譏取屢訶。世事多虞未知免。鵝烹復坐不能歌。

張涪州出詩數軸皆紀用兵以來時事有感而作

感時賦詠屬英游。又向涪江說去秋。兵甲未休須壯士。閭閻乃敢問封侯。頻年青坂陳陶恨。到處陽春白

雪留。誰道東歸窮徹骨。曬書落落照扁舟。杜詩去秋行去秋涪江水

敘浦簿呂公用沅陵韻見貽因次韻

一經早已媿家傳。三尺猶思絕並緣。位下故知難及物。業荒空復度流年。要求廟令作歸計。未必上公能

記憐。多謝為僚不相棄。連朝枉贈有詩篇。

奉寄德化令黃商伯及丞嚴造道二首

近因周子出家書。乃得知君近起居。復道移官在城府。未知幾度入匡廬。晉唐舊刻故存不。林壑幽人今

有諸。想見經行屢成賦。不妨傳寫總遺余。

寄聲江夏無雙士。併謝藍田不負丞。符檄經行有題贈。江湖別後欠緘滕。一時交舊半為土。老我鬢鬢逾

可憎。獨是對書思友益。夜窗長媿短檠燈。

送敘浦呂主簿

參佐已能迎刃解。絃歌更整亂絲棼。胡為易地皆馳譽。信是高才本出羣。良木更須深雨露。善禾端自力

耕耘。仕途似子誠難遇。別語如余敢不勤。

謝徐大雅見過

霜風索索撼枯條。令我亡惊首屢搔。懶效揚雄作奇字。政同靖節湛新醪。朝來怪底兒童喜。何處肯來車馬勞。不是東都徐孺子。誰能背俗訪吾曹。

十四夜元衡見過

餘醒索寞政須驅。多謝君能佩酒壺。回首林園重搖落。岸巾風月且須臾。不須相對哀囚楚。何日扁舟俱下吳。雅意從來在松菊。放言不用屬尊鱸。

菊

蔓菊伶俚不自持。細香仍著野風吹。少年踴躍豈復夢。明日蕭條休更悲。潭水解令胡廣壽。夕英何補屈原飢。我今謾學潯陽隱。晚立寄懷空有詩。

菊殘有感

病骨支寒政覺難。莫驚蒲柳望秋殘。淒涼不但歎荒菊。寂寞更堪傷敗蘭。有鬢已霜那得制。無英可落若爲餐。玉山禾遠竹遲實。天曠長飢愁鳳鸞。

僕生平四到月巖寺。而不識雲洞。謾興長句。

祇今四到月巖寺。不辨一爲雲洞遊。世事紛紛變蒼狗。暑途役役喘吳牛。細聽風合松楠響。應是雨催禾黍秋。留詠從來雜珉玉。攀騰政爾羨猿猴。

十月二十日晚風雨大作

獵獵風聲萬馬奔。我方愁絕坐黃昏。了無鼠輩窺廚冷。顧有狸奴同席溫。靜裏頓能除妄想。病中還欲寄空門。四時鼎鼎催人老。籬菊銷香梅返魂。

喜雪投王守

千騎朝祈仙佛祠。玉花夜散答誠思。守惟民慮知何德。天不人違固可知。擬效聯詩家契闊。念將乘興體清羸。歌呼且與鄰翁醉。樂我邦君政不疵。

春雪

寒氣春深未肯歸。雪花夜半忽成飛。耳聞北地常如此。身老南方見苦稀。卜歲唯知念豐歉。談天不敢議祥禴。江陵見李迷高下。千樹郭西疑是非。

微霰雪

霰落初疑集隕珠。雪飛驟覺幻成圖。簷間隙際窺疎密。屋頂樹頭看有無。夜度佛鐘清澗谷。曉翻漁艇舞江湖。平生無限幽深意。付與匡牀竹火爐。

微雪招何丞明叔飲不至

經冬不雪苦嗷嗷。快手真成一戰塵。坐對瓦溝成委積。直疑鬢角共蕭騷。解除熱惱春無瘴。寧卹芻薪價益高。不見揚州舊詩伯。尚欣湖海獨爭豪。

在伯見招觀雪。因同貴溪尉曹登鄰寺之經樓。且云晨起境物殊勝。再用林字作詩。蕃亦次韻。

藍輿軋度城陰。鷺起衝波鵲噪林。當子倚闌成句警。政余擁褐坐檐深。裴回更盡高樓覽。空闊思收遠壑音。笑謝主人能命酒。不然寒甚不能吟。

雪既未已。霰且間作。再用林字韻。呈在伯沅陵。併屬德章。

雲物昏然尙壓陰。霰聲琤若更過林。憑陵竹葉淡仍薄。埋沒梅花幽復深。屢枉高辭成楚調。獨憐晚歲欲南音。勿多擾擾求周孔。欠一躬耕梁甫吟。

雪多矣。豈寰人歉歲之所宜哉。復用韻呈沅陵丈。

雪已傷多尙積陰。風仍助虐屢號林。市人祇喜青帘近。木食應悲黃獨深。不但茅茨憂凍死。更聞巢穴作夷音。此詩蕭瑟誰能聽。有媿當年寒地吟。孟東野有寒地百姓吟。

次韻在伯對雪見示

初迷庭砌與牆陰。旋著遙山及遠林。飄灑故看朝已積。繽紛更覺晝彌深。東都皎皎關門臥。魯國寥寥振履音。作氣再衰三則竭。強拈愁筆和高吟。

雪中用俞克晦丈公擇唱酬之韻。呈克晦。

幽雀徐行破綠苔。不嫌寂靜肯頻來。欵門不是纔因竹。琢句何妨更有梅。要作灞橋衝雪去。恐成剡曲棹舟回。寄聞閑止老居士。好對春風酌凍醅。

問訊先生江上村。雪中高興與誰論。乍明不厭雞啼晝。忽散應憎鵲踏翻。聞道爲梅新作圃。更期因竹別開門。老來孰愈幽居趣。媿我飄流不自存。

次韻斯遠雪中見簡

粲粲梅開亦大奇。雪來豈亦妒蛾眉。紛紜入表同昏際。錯莫千林欲暗時。閉戶孰能憐我獨。衝泥聊復問君詩。窮冬物色無多許。不付吾曹更與誰。

次韻審知見示梅華長句

春入孤山今主誰。空留四海舊傳詩。平生我亦有成約。病起驟欣逢好枝。欲向園林窮勝處。不堪風雨苦淹時。忽來絕唱驚寒眼。勢比南朝更崛奇。

進之雪中見過。明日歸湘潭。再用前韻二首。

詩材滿眼不能收。忽報君來爲舉頭。寸鐵不持難白戰。汗渠何敢映清溝。飛飛望絕千山鳥。浩浩心馳萬里鷗。布遠家貧乏供給。媿煩終日肯淹留。但見紛紛勢莫收。要窮衰衰若爲頭。路迷界眼疑無地。水失汀洲僅比溝。我欲出郊思借蹇。君歸乘艇喜衝鷗。畏寒自縮真衰矣。絕境明朝不更留。客中遇雪不勝家山之思。催晦庵寫詩及書。

旅枕驟疑景徹屋。曉窗還見雪填渠。梅花未放臘前藥。雁足渾無別後書。故態誰其哀范叔。倦游身自困

相如贈言故愈綈袍賜載路何須駟馬車。

梅花六首

平生欠汝哦詩債。歲歲年年須要還。未至臘時先訪問。已過春月尙躋攀。直從開後到落後。不問山間與水間。卻笑淵明賦歸去。庭柯日昝自怡顏。勁草端能抗疾風。歲寒迺識後凋松。是知植物多尤異。更有梅花巧耐冬。青女素娥能莫逆。巽二滕六謾豪凶。嗟予自幸非根慾。健語聊須發塊胸。平生留落半天涯。處處逢梅是舊知。老樹半侵江側岸。疎枝斜出竹間籬。雪初霽處見鷓啄。水不波時觀鷺窺。馳譽丹青非我事。舊游歷歷尙堪詩。梅從何遜驟知名。句入林逋價轉增。佳故品題因度遠。暗能摸索爲香凝。每逢陳迹空搔首。不見斯人但服膺。菊徑依依懷靖節。瓜田草草念東陵。畫論形似已爲非。牝牡那窮神駿姿。莫向眼前尋尺度。要從物外極觀窺。山因雨霧青增黛。水爲風紋綠起漪。以是於梅覓佳處。故應偏愛月明時。全樹婆娑夥匪奢。數枝纖瘦少尤佳。春風上苑吾何泰。落月孤村汝自嗟。定論要爲塵外物。細看那是世間花。不然山谷能詩老。曷與山礬計等差。

九月二十一日雪書呈進之

一夜悲風曉輒收。布衾如鐵強扶頭。乍驚皎皎明窗紙。稍見疎疎集瓦溝。失怪競聞村巷犬。亂行難覓遠汀鷗。欣然欲作臨流看。卻恨凜乎難久留。

賀魏使君雪用何叔信韻

漢竹初來號令班。不知疆域遠長安。陽升頓使羣陰伏。旱極真成上瑞看。比擬敢言風絮亂。豐登預想麥秋寒。冰清玉潤登臨處。不用賦詩名喜歡。杜審言嘗賦歡喜詩。

題徐氏滋德堂用老謝丈韻堂建寧韓尙書無咎命名當塗蘇給事季真書榜

一時人物韓與蘇。題榜製名夫豈踈。保家匪乏千金產。教子必以萬卷書。江河源從濫觴起。拱把可取合抱餘。方今天子陋漢武。會見待詔仍公車。徐樂以漢武時上書召見。

題甘叔異曲江磯庵

曲江磯頭慈泉庵。重來稽首大士龕。石磴半漫水拍拍。衡門深掩陰氤氳。主人不見詩閣筆。道者出遊經閉函。吾行江南蓋多矣。得此不能成二三。

感懷

重來快閣又三月。簿領不親書得鑽。俸奪未妨衣屨典。年侵還是歲將闌。何當酒與伯仁對。更欲石從盧肇觀。誰能放我聽歸去。內朝班冠長天官。

挽趙丞相汝愚

五王不解去三思。石顯端能殺望之。未到涪溪讀唐頌。已留衡嶽伴湘纍。生前免見楚書禍。死後重刊黨籍碑。滿地蒺藜誰敢哭。漫留楚些作哀辭。

哭蔡西山

鵲叫春林復遞詩。雁回霜月忽傳悲。蘭枯蕙死迷三楚。雨暗雲昏礙九疑。早歲力辭公府檄。暮年名與黨

人碑。嗚呼季子延陵墓。不待鑿辭行可知。

曲登銅龍越泉。誤重來辭首。大士。高。百。聖。手。動。木。耕。耕。門。獨。對。斜。陽。殘。日。主人。不。見。歸。關。深。鎖。未。出。悲。詞。
平。願。甘。殊。異。曲。耳。知。真。

耕。耕。夜。今。天。平。願。萬。友。會。良。耕。隔。河。為。東。主。各。其。其。

一。和。人。耕。耕。夜。今。天。平。願。萬。友。會。良。耕。隔。河。為。東。主。各。其。其。

耕。耕。夜。今。天。平。願。萬。友。會。良。耕。隔。河。為。東。主。各。其。其。

耕。耕。夜。今。天。平。願。萬。友。會。良。耕。隔。河。為。東。主。各。其。其。

耕。耕。夜。今。天。平。願。萬。友。會。良。耕。隔。河。為。東。主。各。其。其。

耕。耕。夜。今。天。平。願。萬。友。會。良。耕。隔。河。為。東。主。各。其。其。

耕。耕。夜。今。天。平。願。萬。友。會。良。耕。隔。河。為。東。主。各。其。其。

耕。耕。夜。今。天。平。願。萬。友。會。良。耕。隔。河。為。東。主。各。其。其。

章泉稿卷四

五言絕句

賦劉子澄墨莊

勤力漢疏傳，遺安龐德公。公家業異此，衰盛國應同。

揚步

竟日人行絕，惟聞鳥語多。忽逢樵婦斧，更聽牧兒歌。

洞庭秋月

平湖萬里寬，秋月一天白。隱隱岳陽樓，有人自橫笛。

平沙落雁

叢叢水邊蘆，雁雁灘頭泊。我不解丹青，小詩亦可貌。

靜春堂

游子如蜂蝶，紛紛詎識春。先生靜中觀，物物寓吾仁。

辨漆

面上清如水，牽絲作釣鉤。撥開鷹糞腳，打起有浮漚。

驗漆

好漆清如鏡。懸絲似釣鉤。撼動虎斑色。打著有浮漚。

愛山堂

朝從日掛鉦。暮至月吐璧。坐得少文圖。不資康樂屐。

江天暮雪

超絕柳州句。轟疎鄭谷詩。扁舟釣臺下。曾見雪初時。

六言絕句

送劉公求還廬陵兼屬張元亨五首

世有封胡羯末。非無觸目琳琅。何似君家兄弟。睥然面背難藏。
中壘西京儒士。魏唐變作文章。源委祇今安在。蕭灘灘水深長。
得見雖能數日。晤言每恨怱怱。曷日竹齋重過。更期汗簡同功。
雪後梅增炯炯。風前柳政徐徐。道上有詩堪寫。人回不用空書。
張子雖習舊識。近來乃讀新篇。寄謝青原白鷺。何當共刺江船。

衡山道中遇雪四首

汎汎嚴陵艇子。蕭蕭衡嶽籃輿。絕歎長年作客。重逢此歲將除。

驟落真成點綴。旋風已復模糊。莫擬丹青圖畫。且看造物工夫。
老樹才能半白。遠山已沒全青。勝踐頗思朋盍。獨行定誰汝令。
急雪幾欲塞路。奔流更逢絕杭。慘慘不堪龜折。踈踈況度羊腸。

留衢州寄王彥博周欽止徐審知三首

漫道詩能陶冶。絕知酒可浮沈。行值田間積潦。住逢溪上愁陰。
風前柳欲千尺。雨後梅纔一斑。邂逅紛紛桃李。飄零在在溪山。
風日端可舉酒。溪山盡堪賦詩。有懷爾山中友。應念我天之涯。

七言絕句

謁顏范祠三首

處士當年配水仙。范公亦儼客星懸。誰知舊日番君國。颯爽英姿蓋九賢。
義氣常於翰墨看。凜然今日拜衣冠。去年已失臨川郡。及爾能來愧始安。
爲政當知政所先。政先孰愈祀先賢。可憐顏范祠堂下。草蔓不鋤塔礎穿。

懷玉山舊游寄王彥博徐審知四首

南山白塔高何許。弄日摩穹相與曾。放譚直下清溪去。落日半銜漁木燈。
何人作亭山半道。頗解發舒山掩藏。幾度攜筇挽君去。月高人寂尙繩牀。

下湖堤上青青柳。曾爲行人繫馬鞍。落魄還成一春事。料應飛絮也漫漫。
王郎家近石田溪。溪上行人古路迷。王郎家居了無事。自溝溪水灌蔬畦。

己亥十月送成父弟挈兩房幼累歸玉山五首

已辦知津送去舟。重臨快閣亦悠悠。黃知橘柚江行好。此去況經龍霧洲。
去歲歸營邱嫂葬。今年那復以家行。挽鬚無用祇嗔喝。念我只兒同短檠。
造物知君時欲進。江山佳處遣頻回。霜風日夜催搖落。面目端須見本來。
誤身何必歎儒冠。粗糲須甘苜蓿盤。瓜地可耕歸獨負。未應真坐縛微官。
十月江行多北風。打頭不用怨天公。清音堂下換船處。想見掛帆灘已空。
在伯教授爲考試之行。不知其地。漫成五詩送之。

雨後儻然遂欲秋。登臨正爾要詩流。君行端復何所往。但道東之一舸遊。
已孤萬古中秋月。爲約黃花九日杯。但得交情常舊雨。不辭尊酒理新醅。
君行不到武昌下。別駕西京劉更生。但想新知作傾倒。莫聞高論吐崢嶸。
平生未識荊州牧。詩卷記評王進之。鈴閣縱談詢保社。幸無過語恐遭嗤。
峽州使君我所親。書去猶新報未聞。此士如今爲第一。見之煩爲致慇懃。

寄韓仲止主簿四首

舊來絕歎茶山竹。今日重悲南澗泉。儒雅風流真不愧。兩賢真可作三賢。
海內知名長少公。在今誰復可同風。可憐籍湜今頭白。空復掛名家集中。
介室於余亦外家。二年朝夕向長沙。聞君往會臨川葬。我不及前空歎嗟。
病臥淒然寂寞濱。既親且故幾何人。如君父子風流似。寧復可疎當可親。

有懷成父

雪裏同登我有詩。可憐同去阻同歸。扶疎夏木渾如許。還想吾廬晝掩扉。
有懷斯遠二首

沙如星射水流光。億著南山步石梁。秋興日來知幾首。可無南落雁成行。
塞郭衣冠匪乏人。步能送我獨情真。幾思覓句相料理。風月溪山不易親。
餘干登眺有懷二首

溪山得意竟忘歸。歲月飄零兩鬢稀。祇有徘徊與搜句。老無筆力媿傳衣。
溪山雖好政須人。終日偃偃此水濱。試並欄杆一回首。祇餘鷗鳥似相親。
在伯考試未歸有懷三首

水落山空君未歸。我行江上幾依依。山空木落有佳處。政爾待君相發揮。
相逢共問別來詩。作計君能似我癡。佳月中秋已無及。菊花十月未爲遲。

行路悠悠自有詩。君行況乃暮秋時。復萌鄙吝疎黃憲。都盡利名親紫芝。

道傍多薏苡菊花有感

菊花粲粲懷元亮。薏苡纍纍念伏波。莫歎讒人未投畀。祇須濁酒到無何。

至邑有感二首

朱絃昔日被謠聲。歲月頻更感易生。唯有錦江橋下水。相逢不改舊時清。
老稚歡呼南北街。爭看前日令君來。看花不比元都觀。盡是當時手自栽。

登縣樓有感二首

一水中分南北市。插天蒙未有佳山。太平官府元無事。聊放蓑翁一日閒。
見說南樓秋氣多。夜涼槐竹影婆娑。滿樓風月成辜負。奈此青州從事何。

送何叔信三首

幾年惆悵荔枝紅。婦薦孫擎壽媪翁。我亦得歸無此樂。弟兄相對小燈籠。
情均骨肉謂堯民。我輩相仍敢不敦。越人可笑盟車笠。四海要知皆弟兄。
貴溪亦復謂三山。去我冰溪一水間。舴艋篷籠不難買。有時乘興泊鷗灣。

送智門禪師便呈斯遠兄

寺後溪亭我所開。春風應已長莓苔。南州高士如臨賦。爲把新詩寫寄來。

送陳慶伯三首

衡信相望百里間。從來疎闊若爲顏。與君旣親亦有故。他日當期數往還。
聞道君行欲轉江。江行此路不勝長。雖然不患無歸遺。收拾江山一錦囊。
君到江南梅正開。折梅稱壽亦佳哉。平安儻遇重湖便。併把新詩寫寄來。
逸遠爲婺女之行旣別後。夜不能寐。成六絕句追送。

正學堂堂呂紫微。有孫端的爲傳衣。祇今一派金華是。戴路年來汝所依。
體能中格號時文。能料科場可策勳。此外更資爲學在。本須根立乃凌雲。
茲行爲謝時衡嶽。併與傳聲呂法曹。汝解事賢其自勉。我因求友不妨高。
去歲諸公祖敬之。我曾同席共委蛇。相逢儻復蒙相問。爲道東歸鬢益絲。
我歸猶爾未還家。送汝令人重嘆嗟。送汝嘆嗟猶自可。最思阿慶語呀啞。
歲事將窮老所悲。念將留汝亦奚爲。新年事業能增進。絕勝衰殘守舊詩。

重送處州斯遠三首

登臨長病獨成吟。連壁相依照映深。寄謝青山無偃蹇。好聽絕唱亂清音。
萬木蒼蒼古釣臺。白雲樓觀隔溪開。賦成赤壁後無對。好與驅從筆下來。
文字投盟不計官。右人能爾在今難。使君於此自爲德。我輩因留後代看。

送會耆英持胡端殿書謁張袁州四首

是家風節在峨岷。仍見諸孫文字貧。聞道江南有蜀士。不辭犇走犯蕭晨。曾之祖南夫嘗使蜀。
君知龍門不易陟。頗欲乞書南郡胡。一幅斜行半年得。費君胼足幾工夫。
袁州張侯吾所聞。政事不減大馮君。如云已召符節令。行矣君其無憚勤。
我聞諸侯一朝享。可作寒士終年儲。張家衣被及四海。不但一州歌袴襦。

送劉克昌文顯二首

驛使相看合寄梅。日邊消息幾時回。平生所積故已厚。九萬不須風更培。
柳暗知津君送我。江臨快閣我辭君。君行過我南山塔。爲道長懷日暮雲。

從禮折花攜具見過且賦二詩

出門政覺病軀難。已分春風負牡丹。送花載酒能俱至。媿爾交情殊未闌。
花好千金未當價。只宜屏隱繡芙蓉。調笑頗似年少日。妄心今已退重重。

從鄭秀才覓菊二首

好事風流有鄭莊。買園栽菊待重陽。儻能憐我耽佳句。爲遣秋根到草堂。
謾從僧舍移甘菊。青藥重陽摘未堪。徑欲過君籬下看。二兒端可爲輿籃。

賦道傍菊六首

園亭種菊只須多。名實相求半已訛。紫萼弱莖真此物。願埋林莽雜蓬窠。

世無元亮亦無詩。菊也淒涼孰汝知。問我無詩寧愛菊。落英聞道可充飢。
山行漸欲墮荆榛。夾道黃花爾獨新。野外籬邊非失所。尙能寒眼動詩人。
三逕雖荒菊尙存。江東書到每傷神。七盤八疊辰州路。賴而相看作故人。
日和猶有采花蜂。日冷淒然難爲容。不以無人廢芳事。政應蘭蕙與同宗。
黃菊花中黃蝶飛。似憐節晚悵餘暉。春風桃李明年事。十月清霜何處歸。
道傍菊有感

昔日曾升君子堂。祇今蕭艾與俱長。可憐冷蝶無時態。盡日伶俜爲汝忙。
道店菊

種花本欲娛行客。客子逢花特地悲。忽忽重陽今半月。依然青葉網蛛絲。
招仲威不至反辱惠梨

屢廢招呼定可人。豈嫌昏暮叩門頻。不來醉我傾家釀。反更分渠釘坐珍。

食枸杞

誰道春風未發生。杞苗試摘已堪羹。莫將口腹爲人累。竹瘦殊勝豕腹亨。

倪秀才惠橄欖二首

故憐枉作近南官。南果何曾上客盤。橄欖忽來蕉作裏。欣然卻作近鄉看。

直道堪嗟故不容。更持諫果欲誰從。昏昏度日惟貪睡。茗椀聊充午後供。
以山藥茶送沈宜之兄

山藥本爲林下享。筠籃那得致兵廚。傳擔雲月併持與。長夜讀書應所須。
以湖州酥。秀州木犀面油。太和石本觀音像。送莫萬安三首。

蟻浮猶臘要酥同。長恨中州信不通。忽得吳中所持寄。急令分減報卿風。
天教桂藥擅秋芬。只道非秋無復存。底事蘭開梅落際。忽於膏飾見追魂。
涪翁昔作白下宰。遺墨到今多屢書。盡說補陀存相好。更傳雷火護持餘。

俗傳此碑常爲
暴雷擊而不壞。

謝彭沅陵送貓

怪來米盡鼠忘遷。嚼齧侵尋到簡編。珍重令君憐此意。不勞魚聘乞銜蟬。

送蕨與成父

道人惠我南山蕨。頗帶齋廚法醬香。聞道城中少蔬供。急令健步走傾筐。

初寒無衾。買紙被以紓急。作四絕。

平生結得楮生緣。覓句抄書日費捐。只有夜窗宜暫舍。也煩包裹伴幽眠。
瑟縮從渠體尙生。不妨欹擁度天明。書生活計能消底。太息牛衣王仲卿。
度夕陰風吹屢屨。布衾如鐵念嬌兒。夜來例拜奇溫賜。但覺安眠曉不知。

識字誰令勝爛奚。自應無褐更無衣。宵安亦念明朝計。兒報屋檐生早暉。

閻伯善以孟東野集見惠二首

文字何關達與窮。孟詩云爾。恨君一尉已龍鍾。過君舊邑求君集。行囊蕭然足慰僮。

幾度相從酌酒深。向來相識未如今。臨分念我亦窮者。乞與郊詩俾細吟。

小釀告熟。童子索覆瓶紙。拆舊葦與之。

太元適足覆醬瓶。舊葦乃獲填酒尊。從來事有幸不幸。一笑掀髯誰與論。

讀謝幼槃集二首

茗椀不能驅睡魔。漫攤詩冊向庭柯。世人祇愛高官職。孰與公家兄弟過。

自汲清泉除硯垢。樹陰微息晚涼初。箇中得意誰知我。筆下忘言我羨渠。

題船子和尙圖

縱有絲綸不暇施。癡魚吞月自驚疑。旁觀莫作風波想。比著人間未是危。

自桃川至辰州絕句四十有二

甕子灘頭百丈牽。此其小小大猶前。命輕人鮮曾聞說。楚蜀懸知險並然。

過了磯頭尙有漳。長江萬里此爲稀。恨予何可數乘此。宜爾山禽頻勸歸。

上得磯來勢已危。忽然纜斷不能支。驚心釣渚河邊石。值爾應當應手糜。

釣石疑爲借石低。月巖穿石兩空梯。逃虛尙說聞人喜。況此依然面目迷。
草屋竹門江岸旁。三三兩兩競攜將。爾曹應道官游好。不念西來道阻長。
夷望山前幾釣篷。不惟能雨又能風。吾舟故作魏王瓠。愛此泝洄敏似鴻。
曉雨濛濛山欲空。少晴還覺練搖風。扁舟十日夫何事。只有看山不負公。
水勢才收一丈餘。曉來雷雨又何如。天民天卹應堪恃。我自多憂雪滿梳。
山鳥初鳴麋度灘。少焉還叫火炎山。僕夫告我爲晴候。穴雨巢風不可刪。
試手灘頭水亂流。鐵鎗崖下晚維舟。兩階舞羽方閒暇。何事茲名有佩牛。
澗瀕瞿唐昔未行。狼頭鹿角舊聞名。辰州甕子灘頭路。夷險不知誰弟兄。
明月山前明月池。兩崖壁立類磨治。活溪未識應相似。好刻中興第二碑。
巨壁撐空不可干。小山亦復四噴吮。猶言水後渾無石。不爾應當行路難。
一篙真可百灘空。贛水辰溪大略同。我乃漲餘方逆上。終朝歌笑媿篙工。
誰道蠻州異故園。夏來草木亦蒼然。扶疏繞屋平生句。有媿青山啼杜鵑。
風頭日日望西南。雨腳懸知不與參。昨夜北風今日冷。又驚數點落甌甌。
患難嗟予已素行。今朝灘裏挽仍撐。心乎詎敢懷尤怨。命爾何能計死生。
無策資身每自嗤。始謀不善悔何追。行乎患難寧今日。何暇更論淹速期。

飛流濺沫瀑爭轟。電激雷驚江落洪。盡日喧喧不能息。誦書妨我課兒童。
望極千山不見村。忽逢三兩僅崖根。幾年生聚才如此。信是荒寒不足論。
美玉曾聞種得生。精金此地亦陶成。不知造物須生此。何似嘉禾令土平。
灘裏驚濤怖殺人。潭中淨綠數浮鱗。如何咫尺能懸隔。物外區中信莫倫。
雨墮初看珠顆圓。風來忽散縠絲牽。青山四合江如瀉。憶著桐江江上船。
脫粟粗供朝暮餐。也求魚菜強充盤。魚今絕市菜無有。欲問居人啖馬蘭。
摘得青梅江岸邊。兒童競食也堪憐。山青指問紅何樣。說是石榴花欲然。
不但投林雀鬧枝。沙禽水宿亦爭涯。不然故欲相呼喚。恨我形單影自隨。
一月山行意未厭。晚晴仍對雨纖纖。回思浪湧濤翻際。寧有于今安且恬。
新綠深深嫩更黃。非花非草定何香。故山草木皆余愛。最愛抽梢竹過牆。
性有耽山且晝看。陰晴朝暮若能殫。天公似病詩材窄。乞與西來眼界寬。
細雨冥冥梅欲黃。故憐時節似江鄉。有書不讀高成束。蒸敗蠹侵誰與防。
雨來山色暗成愁。雨後波光翠欲浮。山色水光元自好。宦情羈思苦悠悠。
一春多雨夏當慳。今歲還防似去年。玉歷檢來知小滿。又愁陰久礙蠶眠。
山禽嘲晰意都迷。滑滑仍愁叫竹雞。側帽歷聽如有感。數聲何處嘯黃鸝。

前有天隨後老坡。杞糧仍欲壽西河。吾今何意更思此。但喜杯羹風味多。
咫尺青山曉未分。旋開還吐尙紛紛。烟雲變態有如此。安得斯奇付大文。
昨日江清可濯纓。今朝潢潦忽能盈。發洪想有山崩處。一雨安能作許生。
坐對蒼然暮色侵。忽驚螢燭度枝深。少年嗜學猶餘志。安得茅檐把卷臨。
江漲皆云牽路漫。又云江漲苦無灘。割晴耕雨難均得。造物於茲良亦難。
安流倏忽起奔湍。非雨非風勢使然。盡道川流能險惡。不知世有險於川。
返照入江雷殷然。直疑飛雨墮談間。不知吹落何方去。突兀但餘雲湧山。
大麥雖黃草與長。趁春只用野生桑。爲生可歎微如是。應坐人稀地力荒。
牂牁何處莫窮源。萬折千礮劇迅奔。寸寸上來良亦苦。不知斷卻幾番魂。

望金華山絕句四首

山青雲白晚能佳。中有仙人舊隱家。彈壓政須煩健筆。頡頏誰與佩飛霞。
雲蔽雲開山祇然。晝無能事著詩傳。扁舟盡日無多厭。信手拈來亦漫編。
一溪屈曲幾彎環。贏得金華四面看。雨黛欲收晴翠滴。忽然雲起又漫漫。
九陌紛紛翳吾目。是間冰熨一塵無。十日五日一水石。造次著詩那得辜。

遊東湖題盧石

雲中不改蒼蒼色。春後寧同濯濯姿。欲爲渠儂下轉語。筆無潮力強題詩。

謁仰山祠

欲知正直不余欺。請禱應聞韓退之。旱昔不災今病雨。我雖非職敢陳詩。

西湖雪後

行到湖邊卻筍輿。眼中渾似畫屏紆。梅花又作臨風笑。亦有高人似舊無。

聽雨堂二首

竹徑參差人不知。窈然終日坐題詩。我來欲去仍遺恨。不見蕭蕭風雨時。曾見宗公及可公。自應詩句有家風。不因避疾小盤礴。那得清談半日同。

題新宮

到處江山非不佳。不歸佛屋卽仙家。南山自好不歸去。落魄賦詩天一涯。

題舊宮

新宮改作幾年。像設于今尙儼然。薜荔綠垂山木槁。長春開盡草芊芊。

晚過彥真山亭并呈允升季儀兼屬照鄰二首

隔岸看山自足佳。背山仍有碧雲遮。我來政值峻嶒際。卻恨林端已暮鴉。寤寐詩名歲月過。日來方喜和羊何。秋風奈我當歸去。湘水湘山餘恨多。

經孺子亭觀

寒泉百尺澗。秋春祠禱流。傳信若神。何事古先殊。昧此爲霖願。取築巖人。

城下道中二首

瓦室人家茅屋邊。瓦困亦與草困連。池塘過雨尙浮濁。楊柳新栽已帶烟。
溪上橋危亭亦高。柳陰直下有魚舠。夜來雨足洪初漲。突岸衝磯聲怒號。

正月二十二日晚過遠父

籬落桃花小破紅。野田細雨又微風。莫嗤款段行難進。正要尋詩漠漠中。

丁卯除夕寓瀘南獨坐舟中有感去歲此夕

米倉山寨雪連雲。不見椒盤見賊塵。今日江城聞爆竹。莫嫌杯酒不沾唇。

宿清都觀

涪翁逍遙果安在。玉局清都今何如。遺蹤羽化不可問。朗誦二詩行繞除。

遊思庵

路落林灣得小庵。軒窗都在萬松間。茲遊不爲尋僧至。更擬綠雲度一山。

永和道中懷成父

風帆十幅空百灘。布衾高臥寧知寒。連明風雨曉增劇。歎我山行逢路難。

宿應庵次季承韻

祇思借榻尋僧屋。不悟山行亦已深。異日重來應記路。斷崖窮處轉松林。
午過無錫。明日五更到平江門外。

百里風帆日未中。惠山紫翠忽重重。姑蘇城外楓橋寺。夜半已過聞曉鐘。
常山道中二首

桃李成陰麥有花。筇輿吟啞我還家。謬恭莫望臨邛令。雨後東陵宜種瓜。
烟雨濛濛鷄犬聲。道長人寂掩柴荆。漫山桃李渾無數。歸近何妨細作程。
將至溧陽示宗父

玉聚梅花殊未開。不妨烟雨雪飛來。僕夫怪我行何速。要趁佳時同一杯。
再來江下示成父

七郎堂下渡船開。豈料今晨又再來。吳水越山看未足。未妨兄弟與銜杯。
宿桐溪灣

近山慘澹連深塢。遠水蒼茫接暮雲。語似篙師徐繫纜。莫教驚動白鷗羣。
謁雷潭寺韓文公祠

使君令尹各能文。政亦及民俱好春。考廢祠賢端有以。後人當復嗣前塵。

孤雁三首

孤雁哀哀叫曉霜。客衾如水待天光。不緣杜宇催歸去。未信寒猿解斷腸。
孤雁哀哀叫晚雲。半年爲客歎離羣。丁東幽佩別來久。斷續清砧遠不聞。
孤雁哀哀叫晚洲。水長山遠政悠悠。凶年未必稻梁足。巧中更防羅繳憂。
孫季章無愧。鄭季奕。徐斯遠。以僕留智門。載酒見過。坐中雪。作三詩。
出山已與曉寒衝。下馬頻欣束縵逢。已見南山行更鈍。到時山寺已昏鐘。
明知喜我出山來。占此僧窗共酒杯。重愧子雲孤好事。絕勝安道不空回。
黃公亭上雪飛時。去歲相同此賦詩。邂逅出山還雪作。端如來赴去年期。

正月九日微雪二首

霰雪纖纖晚倍寒。梅花清瘦不禁看。小園準擬尋詩去。少待侵苔屐齒乾。
小兩因風凍作花。冰梢爭競出槎牙。攜筇偶作巡簷去。徒倚微吟低帽紗。
臘月十九日。飲于周氏無盡藏。雪作。

卯飲君家江上樓。坐中風雪暗前洲。世間罽繳無空巧。我自歸心沒白鷗。

懷明叔

江天買得總輸君。我亦當年作記人。珍重平生一杯酒。又孤洲渚綠生春。

題新市酒家

有魚可漉酒可沽。爾更未知山水娛。今晨繫纜才須臾。異日回頭看畫圖。

蠶婦

火蠶較早冷蠶遲。晏飯忘眠敢歎疲。繰車響罷促機杼。蓋體到頭無一絲。

對月贈答二首

閨中月是天涯月。照妾遙知亦照君。月解令人千里共。人能似月兩頭分。
焚香拜月君懷我。對月停杯我憶君。莫羨月圓圓又缺。會看人合合無分。

中夜聞雁

夜闌羣動久已息。胡獨決起飛仍號。江湖雖寬增繳在。幸勿中機漁獵曹。

懷祖印

古寺僧容客寓居。客行仍許借藏書。老無眼力書慵看。憶著竹根泉漱渠。

九日懷在伯

雨過中秋明月時。病孤九日菊花期。絕憐佳處有如此。亦勸斯人共和之。

唐興寺懷孟東野

薔薇雖是後人栽。一度春風一度開。絕憐東野歸何處。無復花前把酒來。

十五夜看月

碧天湧出爛銀盤。萬里顛風落樹端。懶復持杯向渠問。徑思飛步躡翔鸞。

月二首

萬頃蒼波月一鉤。鷺鷥棲穩雁悠悠。老夫於此興不淺。無奈凜乎何可留。
水鳥飛鳴自往還。蒼然暝色暗林巒。離家又見磨鎌月。九月誰憐絺綌寒。

對李花懷斯遠併屬無愧季奕

桃花未發李生花。裝點林居亦自佳。但恨無人領張徹。乘雲共到玉川家。

驟雨記所見

翠篠蕭騷入屋寒。欻驚平地起風湍。馴除飢雀低飛去。弱羽毳毳似畏彈。

往時

往時聽說嚴州水。試向經行覓舊痕。尚有浮槎棲古木。可憐萬壑勢并吞。

與慶伯廣聲別後有懷一首

清虛亭上晚憑欄。正我扁舟墮嶮巖。舉酒縱君能酌我。未聞流水有西還。
萬壑方爭洶洶來。扁舟寸上亦難裁。晚晴只有山堪看。望極還憂遠思哀。

晚過劉伯山

晚向窮岡訪竹亭。竹間忽有打禾聲。凶年獨使詩人飽。可見天公非世情。

夜過王兆明

門外春風吹倒人。過門寧惜滯車輪。君能歎我杯中物。我亦揮君壁上塵。

悶坐二首

天氣欲陰還欲晴。病多愁絕兩關情。梅花已是飄零盡。底事春風恨未平。
天氣欲晴還欲陰。強扶頭起更岑岑。睡魔欲遣茶料理。政恐蔬腸不易禁。

二十夜起對月懷斯遠成父三首

雨落餘雷風罷狂。二更江月照蒼涼。篷窗白髮醒無寐。感此蟲鳴草岸旁。
蟲鳴切切故關聽。重感跳丸去不停。不足有餘空歲計。書來吾友媿丁寧。
昨朝執熱扇慵揮。今夕涼生寢益衣。想見山房聽風竹。恨余何日定成歸。

懷斯遠成父二首

徐郎已渡浙江潮。王子還從折簡招。平日往還惟二士。去余何以慰無聊。
春風吹雨晝成昏。蕭寺蕭條早閉門。坐久行人更蕭瑟。定傾老酒向何村。
次韻斯遠去秋八月十三日午睡既醒登山遠望見懷二首

驅去復來仍此都。豈惟人謂鬼揶揄。顧防未免羅罽繳。卻使高人賦雁奴。

數行書裏兩章詩。坐誦行哦晝屢移。賦當疎雨梧桐日。題就扶疎夏木時。

舟行遇雪二首

老樹槎牙凍不枯。雪花初集更敷腴。懸崖斗峻人踪絕。漠漠荒祠落社烏。沙鷺分直更紆。望中不盡渺愁予。晚來一雨便成雪。翠巘脩林同一如。

聞李處州亡

時時聞說故人死。日日自悲垂老身。白髮不生應不得。青山長在屬何人。

哀文鼎三首

晦日書來四月收。報余新失趙湖州。祇令交友如渠幾。一展來書一淚流。海內忘形獨漢中。幾回日暮憶江東。不惟吾子傷形影。我亦交遊不太窮。頻年哭友不勝哀。不待年侵老自來。未保此身長健在。與君茅屋臥蒼苔。

梅花十絕句

疎籬半倒竹脩脩。下有冰泉斷復流。此地著梅故差勝。杖藜何惜屢經邱。寒雀蕭蕭凍不喧。背人緣底過頽垣。似矜玉粒堪充飽。啄破霜包無迺冤。斷崖修竹是吾廬。亦有梅花手自鋤。歲晚平安久無報。不知春到又如何。風月懸知非俗物。與梅相對卻成三。是中故有无窮意。曲几團蒲須細參。

桃李紛紛倚市門。豈知幽谷有佳人。莫嗟玉立終無偶。人物誰知溫太真。
江上人家烟雨間。意行曾憶犯榛菅。祇今冷落人誰問。輸與白鷗相對閒。
雨薄梅花似有情。定應憐我太飢生。不同玉屑和朝露。且效夕餐收落英。
十里荆溪溪上梅。故人幾日寄詩來。相應載酒斐回次。憶我去年同此杯。
梅花佳處是孤影。月落參橫真見之。幾欲煩詩爲模寫。卻愁才盡不能支。
松風亭下盛開時。曾辱蘇仙與賦詩。今日折花懷此老。端如嗅菊念東籬。

梅花絕句五首要明叔仲威同作

起步寒梢百尺長。驟驚觸目盡琳琅。直疑霜月能爲幻。作意檻之還有香。
誰能當此風霜面。政要渠儂鐵石心。我亦苦吟嗟不足。願從千古覓遺音。
木犀猶假菊爲裳。蘭也仍須紫作章。不似梅花最高潔。溫然全是玉之良。
傍觀怪我底多病。不耐俗塵來敗人。故人寄我山中信。竹故歲寒梅告春。
陳君胸中殊不麤。胡子懼甚吾則腴。梅花佳處我不識。付與二妙煩追摹。

謂子進
昆仲

行

行書長有來時坐前行... 行書長有來時坐前行... 行書長有來時坐前行...

期昔爾中終不... 期昔爾中終不... 期昔爾中終不...

對爾爾... 對爾爾... 對爾爾...

木事... 木事... 木事...

期能... 期能... 期能...

賦... 賦... 賦...

海... 海... 海...

烈風... 烈風... 烈風...

爾... 爾... 爾...

十里... 十里... 十里...

雨... 雨... 雨...

為... 為... 為...

且... 且... 且...

章泉稿卷五

記

截留綱運記

鉛之阜寶藏興焉。鉛之泉寶貨化焉。興者有時。化者無窮。方泉之蒙。孰知其功。布衣張甲。體物索理。獻言以佐園法。宋紹聖間。詔經理之。隄泉爲池。疏池爲溝。布鐵其中。期以浹旬。鐵化爲銅。場兵千夫。服勞力作。糗糧惟邑之供。治臺歲運江淮湖廣之鐵。泛彭蠡。遡番水道。香谿而東。歲計所用銅。取諸鉛之泉者幾半。初額爲斤十有三萬。其後加之一倍。晝作不建。繼以夜工。率一夫而食二人之食。邑計供億。迺不充。令告匱無所。儒者束手以罔措。健者取給於鑿空。同底于戾。卒不克終。時嘉定九年。郡守諸臺合辭上奏。請歲留綱解米爲斛千有六百以補之。猶不足也。越十有三載。董餉計者。視故籍復責輸焉。章君謙亨來宰民社。嘆曰。場兵戍兵均兵也。彼當餉。此不當餉耶。告于邵郡太守陳公章。力請于餉臺總郎載公桷。慨然許之。達之於朝廷。於是有所割下餉臺。州家歲留之米。遂爲鉛邑永久之利矣。章泉趙蕃聞之。喜諭于衆曰。仁之取數多。然一事皆足觀仁。用其力而不足其食。非仁也。彼此不相通。上下不相恤。非仁也。縣家不爲苟免。必欲取諸經常。而不忍他日重以困吾民。令尹之仁也。州家不以爲無與吾事。而不忍他日重以困吾縣。使君之仁也。董餉者不私於戍兵。而推其食以補不給。王人之仁也。吾於是一舉而得三仁焉。後之人

苟有易此者其肯自居於不仁哉嗚呼上下一體小大一心何事不行何功不成夫米給銅課登鼓鑄羨
圖泉衍惠利周於四海是則輔成夫聖朝仁政之一端也其可無以詔方來耶迺屬香溪潛夫秉筆書之
而俾鑄諸石

重脩廣信郡學記

衡湘陶侯崇自將作少監兼崇政殿說書補外得信州以寶慶丙戌八月二十八日視印謁學歎其敝陋
欲更新之慨然捐錢三百萬為之費謂教授李直介曰是不可以溷君乃命兼贍軍酒庫楊均董其役未
幾而侯亡權州事通判陳侯夢建捐錢六十萬續其費轉運使邱侯壽邁聞之亦以錢十萬來知上饒陶
木知鉛山史夏卿及諸生有請于教授亦各有助越明年四月天台陳侯章自毗陵易守下車首以未畢
工為念復助錢二十萬遂以八月旦日落成舊時諸生之舍必由夫子殿前憧憧往來弗肅為甚今別以
廊且繪從祀于其上規模大略擬國學焉于是視昔加嚴矣惟祀典之外既祠周張二程四先生矣今又
祠朱呂二陸四先生如魯國陳公玉山汪公昔亦有祠是皆一代師法百年文獻諸生誦於斯習於斯朝
夕俯仰于斯其慕用當何如哉端平二年趙侯與勳郡政既修迺及學政一新教養剷除宿蠹選招儒先
以為領袖于是嘉熙卿舉學校之得人最盛南宮奏名登第者尤多于昔添差通判何處恬記曰信之有
祐非也按青陽縣學修夫子廟記知信之遷學在景德二年廟貌雖嚴費舍未修迨元豐增闢始有藏書
之閣職教之廡肄業之室元祐再葺徙其門與清流秀峯對峙孔武仲周彥明記之悉矣端平初史侯彌
志以學門頽圯而新之齋苟成而未備器僅有而多闕迨于近學者病焉越明年寺丞道侯與勳分

政爾非化也本之則無如之何于一新教養剷除宿蠹捐金鳩工與修贊館命錄事江總董其役燕服
瀛漢二程橫渠四先生于西序魯國陳公端明汪公于術業齋之左齋陳公肄業所也後合于一或燕服
而立或端委而坐位置失倫侯命復二祠于舊加粉飾焉裨器之闕修室之弊曲欄橫檻煥然改
觀厚直以市民產徒圍以置其所增餼廩以豐土墜選儒先以師後學于是士習丕變儒風藹如舊釋奠
禮器循用聶氏弊式嘉熙四年郡守蔡侯仲龍病之酒命學校考典故依紹熙頒降朱文公申明制度而

更造之仲秋上丁教授張君洙一遵紹熙儀式而行事焉因縣學釋奠嘗欲考蓮豆蓋之制登降跪起
天子曰俞文公移帥長沙有可為檢會行下天子下之禮官禮官討論不詳而下之四方文公申乞改正
而天下郡縣學猶多製故陋識者病之文公門人陳孔碩之分教括蒼也嘗以文公所申明者行之括蒼
矣蔡侯仲龍括蒼人也俎豆之事聞之已熱及其位朝著則于太常又得夫同文同軌之所自出來牧吾
邦戾我芹泮制既不經器且苦窳甚非所以率先聖乃捐緡錢準式更造擇善操施君退翁董其事郡博
士張君洙因與學者詳稽歷代之沿革而參訂焉益知文公之申明昭乎孝廟一朝之定制確乎萬世不
易之正典煥舊而新蓮豆以竹俎豆以木蓋爵壺洗之屬悉以錫代銅聲明具審度數具精丁祭張
君謂諸生舉文公釋奠儀而行事焉既正其器又正其禮祀事孔明洋洋在上若親周旋于杏壇之間張
君身拳拳焉蓮豆之享登降之詔文未爾所以歷考備述而遺者非屑也理無精粗小子之灑掃應對終
其學上達之道存孩提之愛親敬兄云哉形而下為道形而上為禮也小器外無器外無道對天地萬物
奠之為尊夫子也孩提之愛親敬兄云哉形而下為道形而上為禮也小器外無器外無道對天地萬物
用一原而立聲明也孩提之愛親敬兄云哉形而下為道形而上為禮也小器外無器外無道對天地萬物
于仰鑽瞻忍問矣是文公事夫子之禮而有得于夫子之道數則下學上達治國平天下其全體大用當不
次冠冕服紱既一如頌降朱文公申明之制矣而蓮豆蓋之度登降跪起之文猶不如禮至蔡侯更製
祭器而後蓮豆蓋之度正首尾垂五十年噫古禮之難復若是耶近歲以來大比終場幾六千卷名公鉅卿前後相
降跪起之文正首尾垂五十年噫古禮之難復若是耶近歲以來大比終場幾六千卷名公鉅卿前後相

望而來者方盛涪祐初天子幸太學詔升五先生于從祀伊川程先生曰汝南伯明道程先生曰河南伯
庵朱先生前教授趙君必珍既奉詔繪五先生于殿下兩廡矣而講堂西偏先儒之祠猶存五先生舊繪
曰徽國公前教授趙君必珍既奉詔繪五先生于殿下兩廡矣而講堂西偏先儒之祠猶存五先生舊繪

章泉稿 卷五

九七

像者所以寓尊慕之深意也。兩賢堂舊止祠魯國陳文正公。端明汪玉山先生。歲且周甲子矣。比增祠大參余公堯弼。施公師點。請其為郡之顯宦也。因更名曰卿賢堂。繼又增祠忠愍鄭公驥。謂其能捐軀而殉國也。夷險兩塗。而與魯國陳公事業相表裏。六年冬。衆謂舊祠隘陋。得請于郡。乃闢一室而遷之。益以文昌韓公元吉。存南渡之文獻。示不忘中原也。處士王公時敏聘君。陳克齋先生文蔚。亦與祠焉。伊洛考亭之源流。道之所存。富貴功名。又所不論。且上以承聖主升五先生從祀之意。下以啓後傳紹先聖先師道統之傳也。講堂。名成化堂。兩旁安奉聖稽古閣。上安奉御書。直舍。在稽古閣下。祭器庫。書庫。在直舍東。

學舍。在直舍西。土地祠。在直舍西。錢庫。在講堂東。學廚。在東廊外。先儒堂。在講堂西。卿賢堂。在講堂西。東廊五齋。達善。與賢。

成德。明德。志行。十齋之名。舊多不同。今齋碑多是陶少監崇所扁。炳文齋。舊名昭德。又名輔文。以教武學。七書。義久已廢。遂改今名。小學。小學之立。其來已久。率為具文而已。嘉定初。教授顏

師臬立為程度。嚴於訓導。一時後進。為之作興。而大魁徐元杰。詞科韓禾輩出。然學無常。所繼者不能常與。今鴻祐丙午。郡守監丞章公鑄。留意作人。郡博士張玘之。請於直舍之東。立為小學。撥設官田。為小學

莊。而教法視前為加詳。常請講書一員。提其綱。逐月輪請經賦學諭各一員。分任教導。早經次史。次古文。次時文。講習之程。為甚嚴云。古者教法通行於黨庠術序家塾之間。而小學之教。尤其所先務。小學在公

陶既久。穎異自見。他日奮身立名。類能有大成就。如首唱大庭。獨步詞科。表表一世。皆由此選也。中間興學。者非必咸有誨人不倦之志。或忽略而廢罷之者。無責兩矣。修齋起廢。問不乏人。靡不有初。旋亦休止。今廣文張君某。以天台之秀。來掌學事。其律已廉。其奉職勤。其待士愛。而公嚴課試。以勵實才。杜完溢之

心則未已也。慨小學之久廢，一日而謀復之。試選生徒至五十員，命經賦輪月司講課，規畫之力，茲惟繼
哉。然昔之廢者，幸今而復興，今之興者，安保後日之不廢？於是為經久計，以二年添給之，合請于學帑者
悉椿留為置田，畝計其租入而別之，以為職小學者俸札之費。又慮生徒肄習之無定所，而講授之無定
位也。會那侯章公監丞鑄尊禮學校，一日視御書閣之摧圯，命葺而新之。張君相地視宜，於是閣之旁因
得書庫舊址，白之侯以新小學之宮。委學職以董其成，東西二齋曰果行，曰育德。為諸生肄習之地，齋廳
燼亭曰極高明，職講授者在焉。良材聖賢與工役費糜多，出於積稍之餘，而非盡取辦於公帑。其嘉惠小
學者亦至矣。列職友朋泳張君之德，以諭崇尚，崇尚之功不外此人之行。莫大於孝，孩提之童無不知愛其親，
念古之教者，莫謹於童蒙。而果行育德，雖作聖之功，不外此人之行。莫大於孝，孩提之童無不知愛其親，
及其長也，無不知敬其兄。信夫啓初筮之德，王少成之性，於此最為切要。誠使孝敬之童無不失於以知良
能之始，而性實日以開明。天資日以豁悟，要其成也，雖未能皆至聖賢之闡奧，亦不失其美人君子之歸
張君培植之功，於是為大景行前修，蓋嘗從事於斯，敢以為職教者。一學糧錢一千六百六十八貫九百
告云：淳祐八年戊申二月某日，浚儀趙崇澗記。郡人穎川鍾國秀書。

二十四文。一學糧米穀共三千八十二石三斗五升。學田舊額歲入止三百斛。至乾道三年，知州事趙師
嚴撥下北莊、乾道六年，知州事洪遵又以靈溪莊贍學。有翰林學士洪邁記。紹熙五年，知州事石晝問又
以玉山縣靈湖南潭兩莊贍學。舊有靈溪河溪一十四處歲入錢一千三百餘貫文。知州事趙汝諧以其
地非通行之地，奏罷之。未幾，知州事季翔續以上饒縣東門外官田入學。淳熙五年，提刑高公泗以貴溪
縣桂鎬莊入學。有省劄石刻。淳熙十二年，知州事鄭汝諧再撥下新收莊。嘉泰二年，知州事何潤再撥下
青巖太平莊。紹定元年，知州事陳章再撥下宴望莊。五年，知州事吳旂再撥下黃柏莊。六年，知州事王伯
大再撥下萬祥板橋兩莊。淳祐三年，提刑王瓚以費家田牒學承買。七年，知州事章鑄撥下永豐縣田。及
玉虹橋屋業，并胡德權田產入學。為小學莊。並有額在籍貢士莊。嘉定九年前，判府章監簿良朋籍永豐
徐自強、祝楠，并上饒趙龍圖等沒官田，創貢士莊。而隸于學。命教授董其要，擇諸生可任者為司貢。以治

附錄

宋史本傳

趙蕃字昌父。其先鄭州人。建炎初。曾大父暘以祕書少監出提點院治。寓信州之玉山。蕃以暘致仕恩。補州文學。調浮梁尉。連江主簿。皆不赴。爲太和主簿。受知於楊萬里。調辰州司理參軍。與郡守爭獄罷。人以蕃爲直。始蕃受學於劉清之。清之守衡州。乃求監安仁贍軍酒庫。因以卒業。至衡而清之罷。蕃卽勾祠從清之歸。其後真德秀書之國史曰。蕃於師友之際。蓋如此。肯負國乎。家居。連書祠官之考者。三十有一。理宗卽位。以太社令與劉宰同召。不拜。特改奉議郎。直祕閣。又辭。奉祠得致仕。轉承議郎。依前直祕閣。卒年八十七。蕃年五十。猶問學于朱熹。旣耄。猶患末路之難。命所居曰難齋。蕃賦性寬平。與人樂易。而剛介不可奪。丞相周必大與蕃契。屢加引薦。蕃竟不受。宰之言曰。文獻之家。典刑之彥。歸然獨存。猶有以繫學者之望者。蕃一人而已。信州守吳旂乞錄其後。詔其子遂。補上州文學。遂亦力辭。又詔以承務郎致仕。與一子恩澤。景定三年。祕閣修撰鄭協等請諡。乃諡文節。

劉宰撰墓表

粵自炎祚中興。文物萃于東南。厥初諸老先生。師友淵源。有以繫學者之望。天下學者。翕然而景從之。閩。湘。江。浙。師道並建。凡異時孔孟之所傳。周程張邵之所講。說之益詳。炳然斯文。萬世攸賴。比年天不憖遺。

諸老淪謝。文獻之家。典刑之彥。巋然獨存。猶有以繫學者之望者。章泉先生一人而已。故先生雖退然不敢以師道自任。而天下學者。凡有一介之善。片文隻字之長。皆裹糧負笈。就正函丈。其限以地。屆於力而不能至者。詩筒書函。左右旁午。往往以一酬酢爲榮。及先生之歿。而文獻典刑盡矣。後生晚進。欲求師友之益。而俛俛然無所之矣。可不爲大哀乎。先生姓趙氏。諱蕃。字昌父。其先自杭徙汴。由汴而鄭。南渡居信之玉山。曾祖暘。朝散大夫。直龍圖閣。提舉江州太平觀。祖澤。迪功郎。海州朐山縣主簿。賜承議郎。父渙。奉議郎。通判沅州。贈朝奉郎。龍圖。歿葬玉山之章泉。先生因家焉。故世號章泉先生。用龍圖致仕恩。入仕。饒之浮梁尉。福之連江簿。皆不赴。爲吉之太和簿。辰之司理參軍。最後監衡之安仁贍軍酒庫。已至未上而歸。遂奉祠家居。積祠庭之考。至三十有三。今天子御極之元年。歲己酉。宰相以先生名聞。有旨除太社令。三辭不拜。特改奉議郎。直祕閣。主管建昌軍仙都觀。又三辭不允。越三年。差主管華州雲臺觀。蓋先生自己酉至是歲。辭官不獲。屢上休致之請。皆不允。而先生請不已。明年夏四月。始得旨轉承議郎。依前直祕閣致仕。又閱月。而先生逝矣。紹定某年月日。壽八十有七。先生之在太和。便坐有齋榜曰思隱。蓋當筮仕之初。已有山林之思。在官清苦。惟以賦詠自娛。以是受知于吉之鄉先生楊公萬里。贈詩有云。西昌主簿如禪僧。日餐秋菊嚼春冰。又云。勸渠未要思舊隱。且與西昌作好春。其所以行之身。加乎民者。略可想見。及爲理掾。辨獄之誣。不爲二千石屈。卒見是於當塗。權酷位下。特以少嘗從靜春先生劉公清之受學。公時守衡。故欲從之卒業。甫至而劉以非罪去。卽從之歸。其謹於所職。而篤於所事如此。賦性寬平。與人樂

易而剛介亦不可奪。故相周公必大與先生有州里之舊。先生意有不可。寄詩有公如在廊廟。我亦遂簞瓢之句。其後公在相位。屢加薦引。先生竟不受。自少喜作詩。答書亦或以詩代。援筆立成。不經意而平淡有趣。讀者以爲有陶靖節之風。歲時賓友聚會。尊酒從容。浩歌長吟。心融意適。見者又以爲有洛沂詠歸氣象。至于年垂知命。自視欲然。更往受學于文公朱先生。既耄矣。猶虞末路之難。命所居曰難齋。則視昔賢啓手啓足。而戰戰兢兢。年踰九十。而求箴儆于其國。無異心也。其能續諸老先生之後。爲學者所歸。豈偶然哉。娶俞氏。繼邢氏。子五人。遂、遠、遙、遷、先卒。女四。其壻俞椅、周杲、徐耘老、徐禱。孫男七人。曾孫男六人。皆好學。葬用卒之年九月甲申。地實永豐縣富城鄉之葉塢。距章泉五里。前葬。學者爲詩爲文以誦歎先生之美者。不可勝計。其爲誄。其爲銘。又有名公巨卿在。某寒鄉晚出。于先生無能爲役。而遂以七十翁。不遠二千里。來致先生垂沒之贈。且謂某昔叨誤恩。實玷先生後。不應泊然忘言。無以昭令德。某義不得辭。則姑取門人鄭夢協所狀先生行。益以己所聞。使歸表于先生墓上。

... 放... 不... 之... 不... 十... 前... 畏... 財... 其... 自... 自... 自...

拾遺

方是間居士小藁序

目溪翁還閩游。季仙足跡不復到吾廬。今日忽犯寒來。問其來之故。則袖有所銜。出之乃吾契家劉習之詩與書。遽發緘觀之。令人應接不暇。自卯至申。大略已盡。大抵古今詩文一事耳。若次而言之。則所取或多。極而言則然者蓋寡。習之詩佳處固多矣。如與二猶子送生荔枝詩。驪山往事不古鑒。良嶽馴到胡雛狂。如夏雨歎。舊會既收新會降。遂令百姓愈惶惑之類。殊有風人之體。如追和林子仁絕句。不類和者。如武夷山長句欲刪。十年不到武夷山。幾與神仙絕往還。我見溪山渾似舊。溪山見我髮毛斑。自是一好絕句。昌蒲記不惟贊詩俱佳。而記三十四盆斛。亦有筆力。所寄兩集。既經平子矣。而習之因溪翁之言。必欲使季仙問我。我見如此。季仙口雖諾矣。未知其心以爲如何。又未知習之以爲如何。又未知溪翁以爲如何。溪翁劉氏。字叔通。習之名學箕。季仙名彬。

石屏詩集序

學詩者莫不以杜師。然能如師者鮮矣。句或有似之。而篇之全似者絕難得。陳後山寄外舅郭大夫。巴蜀通歸使。妻孥且定居。深知報消息。不忍問何如。身健何妨遠。情親未肯疎。功名欺老病。淚盡數行書。此陳之全篇似杜者也。戴式之亦有思家用。陳韻云。湖海三年客。妻孥四壁居。饑寒應不免。疾病又何如。日夜

思歸切平生作計疎。愁來仍酒醒。不忍讀家書。此式之全篇似陳者也。蹈中所選。乃口不在數何耶。
 重編按趙蕃昌甫著述。久佚不傳。四庫館臣從永樂大典裏輯。分編三稿。釐為二十六卷。即此本也。然惟
 畢補章泉稿載文數首。餘二稿皆詩。茲又於舊鈔宋人集中。摻得序文兩首。皆此本所無。遂援據前例。亦
 錄附章泉稿後。作為拾遺。將來得別有所見。再續補焉。光緒乙未閏端陽節前二日。會稽孫星華

同為子宜識。平林嚴賢之各舉其筆跡各附

謝幸謝問與與見或或幸曲口誰誰矣未賦其心以欲賦而又未賦賢之思欲賦而又未賦焉當以欲賦
 時昌備強不辭贊藉財而請三十四益積亦百筆代德寄南業辨辨平于矣而賢之因獨錄之其心始
 發夷山是時始雖十年不既夷夷山發與翰前辨辨其發其見對山斯因獨錄山見與發手班自是一發願
 孫時夏南燧燭會週郊傳會利發分百我委謝題之願其官屬人之都賦賦賦林于才賦賦不願賦賦賦
 志謝而言賦然其意其情之積也積也矣賦賦二賦于益于益好執操山卦事不吉寧及地隱隱而顯
 積與書集發歸歸之令人難辨不願自中大有曰大者古不積文一事其善大而言之則限限亦顯
 目菊餘靈開簡幸歸皇始不願賦者願今自願賦者願其來之對賦賦自願書山之改書與家問賢之

衣長問居士小筆中

餘叢

